



新刊監本冊府元龜卷之六百六

學校部

注釋第二

宋何偃為侍中素好談玄注莊子逍遙篇又撰毛詩輝一卷下伯
玉為東陽太守注周易繫辭二卷

荀柔之潁陰人為奉朝請注周易繫辭二卷并為易音

范欽為以令撰周易義一卷

何謹之為中大夫撰周易疑通五卷

沈林撰周易義三卷

姜道盛為給事中注集釋尚書十一卷

一云性
文尚書

樂安王友撰伊訓說

孫暢之撰毛詩引辯一卷毛詩序義七卷五經雜義六卷
雷次宗子仲倫以通直郎徵不起撰毛詩序義一卷略注喪服傳
二卷

裴松之為太中大夫撰集注喪服經傳一

蔡超宗為布遠為丞相諮議參軍集注喪服經傳一卷

庾蔚之字隨之為員外常侍撰喪服要記及略解儀禮十卷

徐爰字季玉為太中大夫注周易繫辭為易音毛詩音禮記音二
卷三國志評三卷

雷肅之撰禮記義疏三卷

河始真撰春秋左氏區別三十卷

費沈為撫軍司馬撰禮喪服集義十卷注孝經一卷

何承天為廷尉卿撰禮論三百卷注孝經一卷

任預撰禮條牒十卷答問雜儀二卷

張略為司空撰論語疏八卷

裴駟注史記八十卷

徐野人為中散大夫撰史記音義十二卷

諸葛氏撰詩音一卷

周續之為道祖為詩序義

劉道拔為海豐令注周禮喪服

業遵字長儒為奉朝請注儀禮十二卷

荀昶字叔祖為中書郎注孝經

孔澄之字仲淵為新安太守注論語上卷

王叔之字授夜撰莊子義疏三卷

南齊沈麟士隱居教授著周易兩繫莊子內篇訓注易經禮記春秋尚書論語孝經喪服老子要略數十卷

司馬攸撰喪服經傳義疏五卷

虞愿為人尉著五經論門

顧歡字景怡云字玄平為大學博士注王弼易二繫又撰毛詩集解序義又作老子堂話四卷一云老子義疏

徐伯珍東陽人積學十年究尋經史吳郡顧歡擿出尚書滯義伯珍訓答甚有條理儒者宗之後刺史豫章王辟從事不就

祖冲之為長水校尉著老莊義釋論語孝經注九章造軌述數十篇

費元珪注周易九卷

劉瓛字珪為步兵校尉撰周易乾坤義九卷又撰周易四德例一卷毛詩序義疏一卷毛詩次篇義一卷周易繫辭義數二卷顧雅撰尚書問一卷

撰尚書問一卷

明僧紹字承列平原人國子博士徵不赴注繫辭為易義及集解又注孝經

樓幼瑜撰喪服經傳義疏二卷

王玄載字彥運為光祿大夫注孝經一卷注老子道德經

虞遐為以外郎注孝經

陸澄為光祿大夫撰漢書注一卷

姚方興采馬王之注造尚書孔傳彙典一篇

田塲之字僧紹為宋平太守注周禮喪服

關康之世居京口以文義見稱徵通直即不就顧悅之難王弼易

義四十餘條康之申王難顧遠有情理又為毛詩義理藉疑滯多

所論釋只造禮論十卷

梁賀瑒為步兵校尉領五經博士著禮考老莊論疏朝廷博議

數百篇序孔儀注一百四十五卷議孝經義疏一卷五經異同論

一卷

伏曼容為臨海太守為周易毛詩喪服集解老莊論語義

江避為南平王大司馬府記室避博學有思理更注論語孝經

常棣為治書御史著漢書續訓三卷

崔靈恩為國子博士著左傳服解不為江東所行及改設杜義每

文句常申服以難杜遂著左氏條義以明之時有助教虞僧誕又

精杜學因作申杜難服以答靈恩世並行焉靈恩集注毛詩二十

二卷集注周禮四十卷三禮義宗四十七卷左氏經傳義二十二

卷左氏條例十卷公羊穀梁文義句十卷

劉昭為豫章王中軍臨川記室初昭伯父彤集眾家晉書注于寶

晉紀為四十卷至昭又集後漢同異以注

范曄書心稱博悉迂通直即出為郊令卒官集注後漢一百八十

卷

庾詵徵中書侍郎不赴著易林二十卷又著喪服文字儀體例莊老

義疏注弄經及七曜歷術

何商為左氏尚書注周易十卷毛詩摠義六卷毛詩隱義十卷禮

記隱義二十卷禮答問五十五卷

史不載官

范述曾為太中大夫注易文言

沈重字德厚為五經博士多所撰述咸得其指要行於世者周禮

義三十一卷儀禮義二十五卷禮記義三十卷毛詩義二十八卷

喪服經義五卷周禮音一卷儀禮音一卷禮記音二卷毛詩音二

卷

孔子祛為步兵校尉著尚書義二十卷集注尚書三十卷續朱异

集注一百卷續何承天集禮論一百五十卷

一云撰禮易詩

皇侃為國子助教撰禮記講疏五十卷及喪服義疏又撰論語義

十卷孝經疏三卷

劉杳為尚書左丞撰楚詞草木疏一卷

陶弘景為奉朝請著孝經論語注本草集註及註毛詩序一卷三

禮目錄一卷注孝經一卷集解論語十卷

宋塞為中大夫注周易繫辭二卷

李王之為臨沂令撰周易乾坤義一卷

南平王撰周易幾義一卷

褚仲都為主簿士撰周易講疏十六卷

蕭子政為都官尚書撰周易義疏十四卷繫辭義疏三卷

薛圖和撰周易玄圖八卷

顏氏撰周易大演統一卷

劉叔嗣為五經博士注尚書十一篇序

又云注尚書二十一卷

費勉為國子助教撰尚書義疏十卷

謝濟撰毛詩檢漏義二卷

何循之撰喪服經傳義疏一卷禮答問十卷

裴子野為中書侍郎撰喪服傳一卷

沈佺撰春秋五辨二卷

周捨為太子詹事撰禮疑議五十二卷

嚴植之為中書記室參軍為五經博士註孝經一卷

蕭子顯為吳興太守撰孝經義疏一卷又撰孝經愛敬義一卷

叔明為揚州從事文學太史撰孝經義一卷又集解論語

劉被為太尉參軍撰論語孔志十卷

述孔鮒義疏

蕭子云為國子祭酒撰千字文一卷

鄒誕生為輕車錄事參軍撰史記音三卷

常棣為北中諮議參軍撰漢書續訓二卷

杜弼注老子

沈旋約之子也為黃門侍郎集註莊子又注爾雅十卷

賀深為中書宣成王長史撰三禮講疏五經滯義

許懋撰風雅比興義十五卷

周興嗣為給事中直西省左衛卒周捨奉勅注高祖所製歷代賦

啓興嗣以馬

後梁蔡六寶為中書監博覽群書學無不綜著尚書義疏三十卷

陳周引正為尚書左僕射領國子祭酒所著周易講疏十六卷論

語疏十一卷莊子疏八卷老子疏五卷孝經疏兩卷行于世

王元規為尚書祠部郎入請為秦王東閣祭酒著春秋發題辭及

儀禮十一卷續經典大義十四卷孝經義記兩卷左傳音三卷禮音兩卷

張譏為國子博士所撰周易義三十卷尚書義十五卷毛詩義二十卷孝經義八卷論語義二十卷老子義十一卷莊子內篇義十二卷外篇義二十卷雜篇義十卷玄部通義十二卷

姚察為吏部尚書入隋為太子內舍人著漢書訓纂三十卷漢書集解一卷定漢書疑二卷

謝蔿撰喪服義七篇并爾雅音

沈文阿為直通散騎常侍撰春秋左氏經傳略義三十卷

典大義十八卷

徐孝克為散騎常侍入隋為國子博士撰孝經講疏六卷論語句

義五卷

璩撰漢書音訓三卷

施乾為博士撰爾雅音

顧野王為舍人撰爾雅音

戚衮兼太學博士撰禮記義四十卷

後魏房景先孝文時為太學博士作五經疑問百餘篇又符璽郎

王神貴亦之名為辨疑合成十卷亦有可觀

辛子馥為尚書右丞以三傳經同說異遂總為一部傳註並出校

比短長會亡未就

高允為太常所製詮左氏釋毛詩拾遺論雜解議何鄭膏育事凡

百餘篇

宋繪少勤學多所博覽好撰文述依准裴松之注國志体注王隱及中興書

闕駟博通經傳注王即易傳學者籍以通經累官至姑臧太守張湛墩煌人好學能屬文仕沮渠蒙遜為黃門侍郎涼州平入國司徒崔浩訖化之浩注易叙曰國家西平河右墩煌張湛金城宋欽武威承根三人皆儒者並有雋才見稱於西州每與餘論易餘以左氏傳卦解之遂相勸為注故因退朝之餘暇而為之解焉其見稱如此

劉炳注周易韓子人物志黃石公三略並行于世後為樂平王從事中郎劉芳為太常撰鄭玄所著周官儀禮音于室所注周官音王肅所

注尚書音何休所著公羊音范甯所注穀梁音常昭所注國語音范曄後漢書音各一卷辯類三卷徐州北人錄四十卷急就篇續注音義證三卷毛詩箋音義證十卷禮記義證十卷周官儀禮證各五卷

陳奇博通文籍常非馬融鄭玄解經失旨志在著述五經始注孝經論語頗傳于世為縉紳所稱召赴京不得叙其論語注義多異鄭玄往後與司徒崔浩同

常爽字仕明河內人置學館於溫水之右門徒七百餘人爽因教授之暇述六經略注以廣制作甚有條貫其序曰傳稱立天之道曰陰與陽立地之道曰柔與剛立人之道曰仁與義然則仁義者人之性也經典者人之文也皆以陶鑄神情啟悟耳目未有不由

學而能成其器不由習而能利其業是故季路勇士也服道以成
忠烈之槩寧越庸夫也講義以全高尚之節蓋所由習也所由本
者也本立而道生身文而德備焉昔者先王之訓天下也莫不導
以詩書款以禮樂移其風俗和其人民故恭儉莊敬而不煩者教
深於禮也廣博易良而不奢者教深於樂也溫柔敦厚而不愚者
教深於詩也流通知遠而不誣者教深於書也潔淨精微而不賊
者教深於易也屬辭比事而不乱者教深於春秋也夫樂以和神
詩以正言禮以明體書以廣聽春秋以斷事五者蓋五常之道相
須而備而易為之源故曰易不可見見則乾坤其幾乎息矣由是
言之六經者先王之遺烈聖人之盛事也安可不遊心寓目習性
文身哉頃因暇日屬意藝林略撰所聞討論其本名曰六經略注

以訓門徒焉其畧注行於世爽不仕號儒林先生

劉獻之博陵人徵典內校書以疾辭門徒數百皆通經之士時五
經大義雖有師說而海內諸生多有疑滯咸決於獻之六藝之文
雖不悉注然所標宗旨頗異旧義撰三禮大義四卷三傳略例三
卷注毛詩序義一卷今行於世并章句疏三卷

李彪在秘書歲餘區分書体述春秋傳三卷

酈道元為御史中尉好學歷覽奇書注水經四十卷本志十三篇
崔浩為司徒注周易十卷注急就章二卷

元明進撰毛詩義府三卷

游肇為國子博士為易辭

徐遵明華陰人東道大使元羅表薦之竟無禮避遵明撰春秋義

章為三十卷

北齊杜弼為膠州刺史耽好玄理老而愈篤又注莊子惠施篇坊上下繫名新注義苑並行於世

李玄為國子博士撰定孝經論語毛詩三禮義疏及三傳異同坊義例合三十餘卷

權會為四門博士注易部行於世

後周樂遊為太學博士所撰孝經論語毛詩左傳春秋論十餘篇

又著春秋義通賈服說發杜氏違文理並有可觀

樊深為國子博士撰孝經喪服問疑各一卷又撰士經異同說三卷綱畧論并目錄三十卷並行于世

熊安生為靈門學博士下大夫所撰周禮義疏三十卷禮記四十

卷孝經義疏一卷並行于世

蕭大園為滕王友入隋為西河郡守撰喪服儀注五卷要決兩卷隋宇文弼為尚書孝經注行于世

明克讓為太子率更令著孝經疏一部

王頤撰五經大義三十卷

蕭該為國子博士撰漢書及文選音咸為當時所貴

張冲字叔巨初仕陳為左郎將非其好也乃覃思經典撰春秋義略異於杜氏十餘事喪服義三卷孝經義三卷論語義十卷前漢音義十二卷官至漢王侍讀

辛彥之為潞州刺史撰五經異義一部

王孝籍開皇中召入秘書注尚書及詩遭亂零落

辛德源為作郎王邵同修國史德源每於務隙撰集註春秋三十卷注楊子法言二十卷

劉炫為大學博士以品卑去任著論語述議十卷春秋攻昧十卷五經正名十二卷孝經述義五卷春秋述義三十卷尚書述義二十卷毛詩述義四十卷又註詩譜二卷及註春秋左氏傳杜預序集解一卷

褚暉為太學博士撰疏一百卷

顧彪為秘書學士明尚書春秋為古文尚書疏二十卷今文尚書音一卷大傳音一卷尚書文義一卷

何安為國子祭酒通直散騎常侍撰周易講疏三卷孝經義疏二卷莊子疏四卷

唐魏徵為侍中徵以戴聖禮記論次不倫遂為類禮二十卷以類相從削其重複採先儒訓注擇善從之研精覃思數年而畢太宗覽而善之賜帛一千段錄數本以賜太子諸王仍藏之秘府

徐文遠為^國子博士撰左傳義疏六十卷行于世

陸德明為國子博士撰老子疏十卷莊子疏各一十五卷經典通釋三十卷並行於時

王玄度為校書郎貞觀十六年十月上其所注尚書毛詩周易并義決三卷與舊解尤別者一百九十餘條付學官詳其可否諸儒皆沿習先師譏其穿鑿玄度隨方應答竟不肯^屈大宗欲廣聞見並納之秘府

王方慶為麟臺監精三禮好事者多詢訪之每所訓答咸有典樞

故時人編次名曰雜禮答問

孔穎達為國子祭酒太宗以儒學多門章句繁雜令穎達與諸儒撰正五經義疏一百七十卷數年乃成名曰義賁有詔改為五經正義云至復苞括衆家稍為詳悉然亦有紕繆

崔義立少受章句之學五經大義先儒所疑有音訓不明者兼採衆家皆為解釋傍引證據各有條流上聞之詔義玄討論五經正義與諸博士詳定是非事竟不就後為蒲州刺史卒

顏遊秦師古叔父也為鄆州刺史卒官撰漢書決疑十二卷為學者所稱後師古注漢書亦多取其義

顏師古為秘書少監太子承乾在東宮命古師注漢書承乾表上之太宗令編之秘閣

許叔牙為太子洗馬兼崇館學士嘗撰毛詩纂義十卷以進太子賜帛二百段兼令寫本付司經局其後御史大夫高智周謂人曰凡欲言詩者必須先讀此書始可也

格輔元兄希玄高宗時官至洛州司法叅軍章懷太子賢召令與洗馬刘訥言等注范曄後漢書行於世

張大安高宗時為太子左庶子太子賢令大安與洗馬刘訥言洛州司戶叅軍格希玄等注范曄後漢書表上之賜帛三萬段仍以書付秘閣

王勃字子安高宗時為虢州叅軍撰周易發揮五卷次論十卷王元感則天安中為四門博士表上其所撰尚書糾繆十卷春秋振滯二十卷禮記繩愆三十卷并所注孝經史記漢書草請官紙

筆給寫秘閣制令弘文館崇賢兩館學士及成均博士詳其可不
弘文館學士祝欽明崇賢館學士李慮趙元亨成均博士郭山輝
皆守先儒章句深譏元感倚撫舊義元感隨方應答竟不之屈唯
閤舍人魏知司封郎中徐堅左史刘知幾右史張思敬雅好異聞
每為元感申理其義由是擢拜太子司議郎如朝散大夫崇賢館
學士

韋顛為吏部侍郎著易蘊解推潛元終始之義甚有奧旨

高定為京兆叅軍幼聰警絕倫尤精王氏易嘗謂易圖合八書以
畫八卦上圓下方合則重轉則演七轉而六十四卦六甲八節備
焉著易外傳二十二卷也

裴延齡為汜水尉乾元末過東都為賊所據因寓居於鄂州綴緝
裴網所注史記之闕遺號小裴

常公肅為秘書著作郎公肅注太宗文皇帝帝範一十二篇上敵
有詔付集賢仍令別寫一本進內

崔玄常為中書令擇行已要範十卷友義傳十卷義士傳十五卷
訓注文館詞林策二十卷

李善寓居汴鄭間講文選為業所注文選十卷行于世後為從賢
館學士

韓滉為左僕射平章事好易象及春秋著春秋通例及天文事序
議各一卷

張守節少集詩礼尤精史記著正義四十卷

張鎰撰三礼圖十二卷五經微旨十四卷孟子音義三卷

李吉甫為相嘗討論易象異義附於僧一行集注之下

陸贄為給事中皇太子侍讀著集書春秋二十卷類禮二十卷君臣圖翼二十五卷並行于世

馮伉元和初為國子祭酒著三卷同異三卷

裴通為詹事著易玄解并摠論二十卷易禦寇十三卷易洗心二十卷

常表微為翰林學士戶部侍郎少時尅苦自立著九經授譜一卷春秋三卷摠例二十卷

李磻為相曾著解書傳之闕疑僅及百卷經巢讓之乱悉為灰燼

馬
監本冊府元龜卷之六百六

新刊監本府冊元龜卷之六百七

學校部 一十一

撰集

太史公曰儒者六藝經傳以千萬數累世不能通其學當年不能究其理誠哉是言也由漢之後作者間出祖述不已踵武增華其文史之盛豈可遽數焉乃有博古之士好學不倦摭摭方策分別郡類列其部居成乎倫要俾隸業之者開卷而獲益臨文之士泐波而達源至有承詔撰述篇籍成叙於萬乘之覽藏之秘室之府者又多乎哉原夫論次之意蓋將以撮樞要而遵簡易豈易所謂學以聚之傳所謂知類通達者歟

楚鐸椒為威王傳為王不能盡觀春秋采取成敗本四十餘章為

驛氏微

漢刘向成帝時為光祿大夫是時帝元舅陽平侯王鳳為大將軍
秉政倚太后專國權兄弟七人皆封為列侯時數有災異向以為
外戚貴盛鳳兄弟用事之咎而上方精於詩書觀古文詔向領校
中五經秘書言中者以別於外向見尚書洪範箕子為武王陳五行陰陽
休咎之應也休美也向乃集合上古以來歷春秋六國至秦漢符瑞災
異之記推迹行事連傳禍福著其占驗比類相從各有條目凡十
一篇號曰洪範五行傳論奏之天子心知向忠精故為鳳兄弟起
此論也然終不能奪王氏權向又睹俗靡奢淫而趙衛之屬起微
賤踰礼制趙皇后昭儀衛婕妤也向以為三教由内及外自近者始故採取
詩書所載賢妃貞婦興國顯家可法則及孽嬖乱亡者孽庶也愛

序次為列女傳凡八篇以戒天子及采傳記行事著新序說苑凡
五十篇奏之數上疏言得失陳法戒數十上以助觀覽補遺闕帝
雖不能盡用然内嘉其言常嗟歎之

後漢應奉為司隸時並下諸官府郡國各上前人像賢子劭乃連
綴其名錄為狀人紀

景寫廣漢梓潼人也取河洛圖緯以類相從名為災集又撰礼内
外記號曰礼略又抄風角雜書列其占驗作興道一篇州郡辟命
不就

荀爽集漢事成敗可謂鑒戒者謂之漢語位至司空

魏文帝使諸儒撰集經傳隨類相從凡千餘篇號曰皇覽

王象為散騎常侍受詔撰皇覽使象領秘書監象從延康元年始

撰集數歲成藏於秘府合四十餘部有數十篇通合八百餘萬事

又云桓範為羽林左監劉劭為騎仕郎並齊詔集五經群書以類相從作皇覽

高唐隆撰魏臺雜訪議位至光祿勳

吳張溫為太子傅撰三史畧二十九卷

晉張華為司空著博物志十篇行于世

葛洪抄五經史漢百家之言方伎雜事三百一十卷金櫃藥方一

百卷肘後要急方四卷後為句漏令

環濟撰帝王要畧十二卷

祁嘉博通經籍張重華徵為儒林祭酒性和俗教訓不倦依孝經

作二九神經

應詹撰東宮旧事三卷位至平南將軍江東刺史

宋范泰撰古今善言二十四篇位至侍中左光祿大夫

顧長康為散騎長侍何翌為長水校尉元徽初表上所撰諫林上

自虞舜下及晉武凡千二卷

謝莊轉隋王誕後軍諮議並領記室分左氏經傳隋国立篇製木

方丈圖山川土地各有分理離之則州别郡殊合之則寓内為一

元何承天為御史大夫宋世礼論有八百篇卷承天再減并以合

類相從凡為三百卷

南齊丘灵鞠為大中大夫製江左文章錄序起大興訖元熙

婁幼瑜著礼括遺三十卷幼瑜教授不應徵辟

陰顥撰瓊林二十卷

崔慰祖嘗著海岱志起太公迄西晋人物為四十卷半未成臨卒

與從弟緯書云海岱志良未周悉可寫數本付護軍諸從人一通及友人任昉徐演劉洋仕至始安王記室

梁庾詵撰晉朝雜事五卷抄八十卷普通中詔以為黃門侍郎稱疾不起

阮孝緒撰高隱傳上自炎黃終於天監之末斟酌人為三品凡十卷中篇所載一百三十七人劉敞劉訐覽其書曰昔嵇康所贊缺一自疑今四十之數將待吾等成耶對曰所謂荀君雖少後事當付鍾君若素車白馬之日輒獲麟于二子敞訐果卒乃益二傳傳及孝緒亡訐兄潔錄其所遺行次篇未成絕筆之意云孝緒天監十二年徵不至

張率為司徒掾直文德侍詔省勅使抄一部書又撰婦人事二十餘條勒成百卷使工書人琅邪王深吳郡范懷約褚洵等繕寫以給後宮

張緬性愛墳籍聚書至萬餘卷抄後漢晉書衆家異同為後漢衆記四十卷晉抄三十卷又抄江右集未及成卒位至御史中丞陸罩為中大夫初簡文在雍州撰法寶聯璧罩與郡賢並抄掇區分者數歲六年而書成命湘東王為序其作者有侍中國子祭酒南蘭陵蕭子顯等三十人以比王象列邵之皇覽焉

徐勉撰左丞彈事五卷在選曹撰品五卷又以孔釋二教殊塗同歸撰會林五十卷皆行于世位至右光祿大夫侍中衛將軍吳均為奉朝請勅撰通史起三皇訖齊代均草本記二十卷庾仲容抄諸書三十卷列女傳三卷位至黔縣令

陳陰僧人為征南諮議撰梁撮三十卷

姚察著說林十卷位至吏部尚書

顧野王撰通史畧一百卷位至黃門侍郎光祿卿

張譏為國子博士兼東宮學士撰游玄桂林二十四卷後主嘗勅入就其家寫入秘閣

後魏道武天興四年十二月集博士儒生比衆經文字義類相從凡四萬餘字號曰衆文經

淮王昌弟孚為尚書丞靈太后臨朝宦者干政孚乃摠括古今名妃賢后凡為四十卷奏之

常山暉為尚書左僕射暉雅好文學招集儒士崔鴻等撰錄百家要事以類相從名為科錄凡二百七十卷上起伏義起於晉凡四

十代暉表上之

平繼叔耽勤讀誦研綜經籍鈎深致遠多所博聞自周以降暨於魏世帝王傳代之由貴臣升降之緒皆撰錄品第畧是非號曰畧注合百餘篇好事者覽之咸以為善焉

刘懋撰諸噐物造作之始十五卷名曰物祖位至大尉司馬

張彞為光祿大夫集庖犧至晉末凡十六代百八十帝歷三千二百七年雜事五百八十九合成五卷名曰帝圖歷

崔浩為祭酒朝廷禮儀文策詔軍國書記盡關於浩浩能為雅說不長屬文而留心於制度科律及經術之言作家法祭法次序五宗蒸嘗之禮豐儉之節義理可觀

李謐涿郡人年十八詣大學授業後鳩集諸經廣校同異比三傳

事例名春秋叢林十有二卷徵拜著作佐郎辭以授弟郁

孫僧化識呈分按文占以言言異為通直散騎常侍永熙中出帝召僧化與中散大夫孫安都共撰兵法未就而帝入關遂罷

李公繪潛居自待雅安著書撰古今異說記二十卷趙語三卷北齊祖珽拜為尚書左僕射監修國史以後主屬文奏撰御覽武平三年二月詔珽及特進魏收等入文林館撰玄洲苑御覽後改名聖壽堂御覽八月御覽成勅付史閣後改為修文殿御覽凡三百六十卷初詔珽與收太子太師徐之才中書令崔劼散騎常侍張雕中書監楊休之監撰珽等奏追直通散騎侍郎常道孫陸文太子舍人王邵衛尉丞李孝基殿中侍御史魏澹中散大夫刘仲威表夔国子博士朱方奉車都尉陸道閑考功郎中崔子樞左外兵

郎薛道衡并省主客郎中盧思道司空東閣祭酒崔德大學博士諸葛漢奉朝請鄭公超殿中侍御史鄭子信等入館撰書并勅蕭放蕭愨顏之推等同入撰例復令散騎常侍封李琰前樂陵太守鄭元礼衛尉少卿杜臺卿通直散騎常侍王充前兗州長史羊肅通直散騎侍郎馬元熙省三公郎中刘珉開府行參軍李師上温君悠久入館亦令撰書後命特進崔季舒前仁州刺史刘逖散騎常侍李孝貞中書侍郎李德林續入侍詔尋又詔諸人各舉所知又有前濟州長史李翥前廣武太守魏謩前西兗州司馬蕭溉前幽州刺史陸仁惠鄭州司馬江旰前通直散騎侍郎辛德源陸開明通直郎封孝襄大尉孫張德冲并省右民高恭行司徒户曹參軍古道前子司空功曹參軍刘顓獲令崔德儒給事中李元楷晋

中治中陽師孝大尉中兵叅軍盧公順司空中兵叅軍周子深開
府行叅軍王友伯崔君洽魏師蹇並入館待詔又勅右僕射段孝
言亦入御覽成後所撰錄人亦有不得待詔付司處分者凡此諸
人亦有文學庸淺附會親識妄相推薦者十三四焉雖然當時操
筆之徒搜求略盡其外如廣平宋孝王信都劉善經輩三教人論
其才性入館諸賢亦十三四不逮之也待詔文林亦是一時盛事
故存錄其姓名

荀士遜為中書侍郎踈為稱職與李若等撰曲言行于世
隋陸爽字開明高祖受禪轉太子內直監尋遷太子洗馬與左庶
子宗文愷撰東宮典記七十卷
杜臺卿開皇初被徵入朝臺卿嘗採月令觸類而廣之為書名玉

燭室典十二卷奏之賜絹二百疋位至著作郎

樂運南陽滎陽人常願為一諫臣從容諷議而性訐直為人所排
抵遂不被任用乃發憤錄事夏商以來諫爭事集而部之凡六百
三十九條合四十一卷名曰諫苑奏上之文帝覽而嘉焉位至毛
州高唐令

魏澹字彥深為太子舍人廢太子勇深禮遇之屢加優賜令撰笑
苑詞林集世稱其博物

劉佑奉詔撰兵書十卷名曰金韜上言之

崔頤撰洽聞志七卷八代四科志三十卷位至越王長史

于仲為光祿大夫撰畧覽三十卷

唐歐陽詢為給事中武德七年奉詔與裴矩陳叔達趙弘智令狐

蔡文學袁卽等十數人同修藝文類聚

李百藥初仕隋為禮部員外卽皇太子勇召為東宮學士令修五
禮定律令撰陰陽書

魏徵為秘書監貞觀五年撰群書政要奏之令採其序例以明述
作之意曰竊惟載籍之興其來尚矣左史右史記事記言皆所以
昭德塞違勸善懲惡故作而可記薰風揚乎百代動而不法明戒
垂乎千祀是以歷觀前聖撫運膺期莫不慄乎馭朽自強不息乾
乾夕惕義在茲乎近古皇王時有撰述並皆包括天地牢籠群有
競採浮艷之詞爭馳邁誕之說騁未聞之博聞師彫蟲之小伎流
宕忘返殊途同致雖辯周萬物愈失司契之源術摠百端弥幸得
一之旨皇上以天縱之多才運生知之叡思性與道合動妙幾神

玄德潛通化前王之所未化損己利物行列聖所不能行瀚海龍
庭之野並為郡國扶桑若木之域咸襲纓冕見天地成平外內禔福
猶且為而不恃雖休勿休俯協堯舜式遵稽古不察貌乎止水將
取鑒乎哲人以為六籍紛綸百家躋駁窮理盡性則勞而少功周
覽汎觀則博而寡要故爰命臣等採摭群書剪截浮放光昭訓典
聖思所在務乎政術綴叙大畧咸發神衷雅致鈎深規摹弘遠網
羅政体事非一日若乃欽明之后屈己以救時無道之君樂身以
忘國或臨難知惧在危而獲安或得志而驕居成以致敗者莫不
備具得失以立功樹惠貞心直道忘軀殉國身隕百年之中聲馳
千載之後或大奸巨猾轉日迴天社鼠成狐反白作黑忠良由其
放遂邦國因以危亡者咸以述其終始以顯為臣不揚其立德立

言作訓垂範為綱為紀經天緯地金聲玉振騰實飛英雅論微猷
嘉言美事可以引獎名教崇太平之基者固亦片善不遺將以丕
顯皇極于母儀嬪則懿后良配恭徽猷於十乱著深戒於辭輦或
傾城哲婦亡國豔妻侯晨鷄以先鳴待舉烽而後哭者時有所存
以備勸戒自六經訖于諸子始五帝下盡晉年凡為五秩合五十
卷本求政要為名但皇覽遍畧隨方類聚名目互顯首尾淆乱文
義斷絕尋究為難今之所撰異乎先作摠立新名各全旧体欲見
本知末原始要終並弃被春華採兹秋實一書之内牙角無遺一
書之中羽毛咸尽用之當今足以殷鑒前古傳之來葉可以貽厥
孫謀引而伸之觸類而長蓋以言之者無罪信之者足以自戒庶
引兹九德閭而芳從觀彼百王不疾而速崇巍之盛業開蕩之

王道可久可大之功並天地之貞觀日用日新之德將金鏡以長
懸矣太宗覽之稱善勅皇太子諸王各傳一本賜徵帛二百疋又
徵為特進以礼經遭秦滅學戴全編錄條流不次乃刪其所記以
類相從為五十篇合二十卷名類礼太宗善之賜帛一千段以其
書藏秘府及賜皇太子諸王

李襲譽為揚州摠管長史撰忠孝圖二十卷貞觀十三年十一月
奏之太宗覽而稱善

高士庶為尚書左僕射貞觀十五年撰文思博要一千二百卷上
之有詔藏之秘府

時太常博士馬嘉運
太常丞品下同修

高智周為秘書郎弘文直學士預撰瑤山玉彩文館詞林三升蘭
臺大夫

李敬玄撰正論三卷位至揚州大都府長史

杜正倫為中書侍郎兼左庶子撰春秋坊要錄四卷

許敬宗為弘文館學士永徽中與李義府等奉勅於內殿撰東殿新書一百卷高宗自製序其書自史記至晉書刪其繁詞勒成藏之書府

元方頃上元中為著作郎則天廣召文詞之士入禁中修撰方頃與左史劉禕之范履冰苗神客右史周思茂胡禁賔等咸預其選前後撰烈女傳臣軌百寮新誠樂書凡千餘卷

姚壽永徽中為太子宮門郎博涉經史有才辯與司義郎孟利貞等奉令修瑤山玉彩書成秘書郎

張昌宗為麟台監聖曆中則天以御覽及文思博要等書多未周備令昌宗與麟臺少監李嶠廣召文學之士給事中徐伯彥水部郎中員半千等二十六人增損文思博要勒成一千三百卷於舊書外更加佛教道教及親屬姓氏方域等部至是畢功帝親製名曰三教珠英時左補闕崔湜同修

常叔夏神龍中為國子祭酒撰三禮要記三十卷行于代

王方慶撰公卿故事一卷位至太子左庶子

徐堅為集賢院學士開元中勅堅等纂經史要事及歷代文章以類相從欲令皇子檢事擬文帝自定名為初學記是月日撰成帝以獻帝稱善賜堅等絹三百疋

張九齡為中書令開元二十七年二月九齡等撰六典三十卷成上之

歸崇敬為國子司業大歷中與諸儒官同修通志崇敬知禮儀志
衆稱乞

裴證為國子司業貞元十二年表上乘輿月令十二卷

蘇冕為京府士曹續國朝政事撰會要四十卷

杜佑為淮南節度使貞觀十七年獻通典表曰臣聞太上立德不
可庶幾其次立功道行當代其次立言見志後學由是往哲逸相
祖述將施有政用義邦家臣本以門資幼登官序仕非遊藝才不
人徒懷自強頗玩墳籍雖履歷叨幸或職劇務繁竊惜光陰未嘗
輟廢夫孝經尚書毛詩周易三傳皆父子君臣之要道十倫五教
之宏綱如日月之下臨天地之大德百王是式終古悠遵然率多
記言罕存法制愚常窺測豈達高深輟肆荒唐誠為臆度每念情

學莫探政經畧觀歷代衆賢著論多陳紊失之弊或闕拯救之方

臣既庸淺寧詳損益未原其始莫暢其終尚賴周氏典禮秦王蕩

滅不盡從有繁雜且用準憑至于昔往是非可為來今龜鏡布在

方冊亦粗研尋自頃繁修年涉三紀識寡思拙心昧詞蕪圓籍實

多士目非少將謂功必有愧卑疎固不足發揮大猷但微臣竭愚

盡慮凡二百卷不敢不具獻上庶明鄙志所之塵瀆聖聰兢惶無

措其書凡九門叙食貨十二卷選舉六卷職官二十二卷禮一百

卷樂七卷六兵卷刑十七卷州郡十四卷邊防十六卷

賀蘭正元貞元中為昭義軍節度判官進用人權衡輔佐記各十

卷舉選衡鏡三卷

馬摠為天平君節度使摠理道素優軍政多暇公務之餘手不釋

卷所著奏議集年歷通歷子鈔等書百餘卷行於世
唐次為禮部員外郎貞觀八年生竇叅出為開州刺史在巴峽間
十餘年不獲用進西川節度使常臯抗表請為副使德宗密諭臯
令罷之次久滯蠻荒孤心抑鬱怨謗所積孰與申明乃採自古忠
臣賢士遭羅諛謗故逐遂至殺身而君猶不悟其書三篇謂之辯
謗略上之德宗省之猶怒謂左右曰唐次乃方吾為古之昏主何
自諭如此改夔州刺史及憲宗即位與李吉甫同自峽內召還授
次禮部郎中尋以本官知制誥正拜中書舍人卒憲宗明哲嫉惡
尤惡人朋比傾陷嘗閱書禁中得次所上書三篇賢而善之謂李
士沈傳師曰唐次所集辯謗之書實君人者時宜觀覽朕思古書
中多有此事次篇錄未盡卿家傳史李可與學士類例廣之傳師
奉詔與令狐楚杜頌等分功修續廣為十卷踰元和辯謗略優詔
答之
憲宗元和八年六月詔宰臣武元衡李吉甫李絳及舊相太子少
傅判太常卿鄭餘慶禮部尚書權德輿各進旧書
張正甫為集賢殿學士右散騎侍寶歷三年進藝文類聚一百卷
令狐楚為翰林學士憲宗以自古賢臣多受諛謗以至危亡因詔
楚纂集歷代名臣受謗者為十卷名為元和辯謗略書成帝嘉其
該博

李渤為著作郎罷官閑居東洛撰禦戎新錄二十卷以獻
帝處厚穆宗時與路隨為翰林侍讀學士長慶二年處厚與隨撰
六經法言二十卷書成表獻之曰臣聞三皇講道五帝講德三王

講仁五霸講義所講不同同歸于理理道之極備于六經雖質文
變忠敬文用損益因時步驟不一然而釋三綱越五常而致雍熙
者未之有也自秦火蕩煗孔壁穿蠹曲學異辯專門多惑營道之
軌並馳布全之堂蓋寡蕪文錯起浮義互生簡冊混散篇卷繁積
勞神於累代弊形于當年其知愈博其德愈少夫然通方之士達
識之儒且猶不為也况南面之尊司道之契豈不貪其精而遺其
鹿者乎伏惟文武孝德皇帝陛下精義神授博識天資山峻詞峯
泉蓄學海膺沐運則混六合而不讓思屈己則舞兩階而不疑故
當希皇踵帝肩王轅霸可以區區近躅擬于聖德孔臣處厚臣隨
採合易詩書左氏春秋孝經等因其本篇撮其精粹論紀先師微
旨今亦附于篇末摠題曰六經法言合二十卷獻上取諸身必本

於五事通諸物兼暢於三才治九族以及於百姓形室家以儀于
天下聖君良主之往行哲人壯士之前言天人相與之際幽明文
感之應旁理盡性之辯藥石攻磨之規堯舜禹湯文武理亂之道
尽在君子父子夫婦朋友之義必舉其興可以勸其違可以戒此
其所存者也至如錯綜又象陰陽難名比興箴誨幽隱難釋詰命
訓諭古今不合威儀教制命諸有司褒貶揚摧歸諸史注此其遺
者也商鞅之說秦主歎帝道之難行太宗之納魏徵流王澤而廣
被由是言之道無遠近德無重輕能者挈之如毛羽不能者舉之
如蒿岱今逢希代之君當准合之運故不能以百家邪說六國縱
橫秦漢刑名魏晉偷薄為盛時道歷代帝王皆務纂集魏稱皇覽
梁著通略鄴中則有修文之作江右則有壽光之書但誇銜於聞

見非重謀於理本臣今所貴實異斯作陸賈奏甚早之論上稱善於高皇方謀畝雜榛之說猶見知於武帝伏惟陛下機務之餘燕息之暇時降省覽天下甚幸帝覽其書稱善者久之賜處厚隨錦綵二百段銀器二事

崔郾為翰林學侍講學士寶歷元年七月與高重進纂要集十卷各賜綵錦二百段錦器五事

魏謩嘗抄撮子書要言以類相從二十卷號曰魏氏手略有文集十卷位至太子少保

裴潏文宗時為右散騎常侍太和八年集歷代文章自梁昭文明太子著文選外合於典雅者古今通選勒成三十卷目為太和通選并音義目錄一卷進上潏之所著偏僻時論以為不當王涯為

平章事太和八年進月令圖一軸

兵部尚書王起進自古帝王五位圖帝欲置於机案以便觀覽宣付起居重以長短寫進

許康作為翰林學士太和九年進纂集左氏傳三十卷

高重為國子祭酒太和九年進春秋纂集四十卷

鄭瀚為翰林侍講學士文宗命撰經史要錄十二卷書成帝嘉其精博因以十九書語類帝親目發問瀚應對無滯錫以金紫

姚康為太子詹事大中五年十一月以所撰經史三百卷上之經史自開闢至隋末編年纂帝王美政善事詔令可利於時者至於時政益缺芟權和糴振貸錢陌兵數虛實貯量用兵利害邊事戎狄無不備載下至釋道燒煉妄求無驗皆載之

崔鉉為左僕射平章事大順七年十月鉉上續會要四十卷修撰
官楊紹復崔瑒薛逢鄭言等賜物有差

梁末帝貞明末前衡州長史劉隲進所撰地里手鏡十卷

晉曹國珍為左諫議大夫天福四年上言請於內外臣寮之中撰
才畧之士聚唐六典前後會要禮閣新儀大中統類律令格式等
精詳纂集俾無漏畧別為書一部目為大晉政統從之其詳議宜
官差太子少師梁文炬散騎常侍張允大理卿張澄國子祭酒唐
汭大理少卿高鴻漸國子司業田敏禮部郎中呂咸休司勳員外
郎劉濤刑部員外郎李知損監察御史郭延升等一十人充文炬
等咸曰改前代禮樂刑憲為大晉政統則堯典舜典當以晉典革
名列狀駁之曰作者之謂全述者之謂明苟非全明焉能述作若

運應革故則事乃惟新或改正朔而變犧牲或易服色而殊徽號
是以五帝殊時不相沿樂三王異世不相襲禮至於近代率由旧
章比及前朝是滋其日多因行事之失改為立制之初或臣奏條
章君行可否皆表其年月紀以姓名聚類分門成文作則莫不悉
稽前典垂範後昆述言聖賢歷於朝代得金科玉條之跡設亂言
破律之防守而行之其來尚矣皇帝陛下運齊七政歷契千年爰
從創業開基莫不積功累德行宜直筆具載鴻猷若備錄前代之
編年目作聖朝之政統此則是名不正也夫名不正則言不順而
媚時掠美非其實矣若剪截其詞此則是文不備也夫文不備則
起爭端而禮樂刑政於斯矣亂若改旧條而為新制則未審何門
可以刊削何事編聯既當革故從新又須廢彼行此則未知國朝

能守而不失乎臣等共同參詳未見其可疏奏嘉之其事復寢
張昭為兵部尚書世宗親征淮南表進所撰兵法其畧曰臣本書
生不閑武藝空忝穰苴之位慙無却縠之能遽奉綸言令纂兵法
雖強三宮之說何稱九天之謀伏惟陛下玉斗續戎金樓聚學九
舜三光之典不足揣摩三門五將之書無煩接要而猶甲旦不寐
乙夜縱觀留連於尺籍伍符探頤於楓天棗地以為人情貴耳而
賤目儒者是古而非今以韓白之智有餘英衛之才不足寧悞滋
水釣翁之學今乃推輪圮橋神叟之言已為糟粕無足師模於今
鈴筭聊可挹酌於源流爰命下臣撮其樞要臣逃觀前代兵家所
著篇部頗多自唐末亂離圖書流落今蘭臺秘府目錄空存其於
討論固難詳悉今抵據臣家所有之書據其兵要自軍旅制置選
練教習安營結陣命將出師詭譎機權形勢利害賞罰告誓攻守
巧拙星氣風角陰陽課式等部四十二門離為十卷管窺蠡測莫
知穹激之高深獸走犬馳且副蒐苗之指使既成卷部須有截題
臣伏見前代奉詔撰論皆目為制旨今輒準故事題為制旨兵法
臣留司都下不敢輒去班行謹差私吏齎詣行闕陳進詔曰朕昔
覽兵書粗知前事將觀機要委卿撰述曾未踰時遠來呈進披尋
之際備見精詳論戰伐之大綱與孫吳而共貫賴卿博學副朕所
懷宜示頒宣用明思寵嘉獎在念再三不忘今賜卿衣著二百疋
銀器一百兩

新刊監本冊府元龜卷之六百八十一
目錄
學校部 一十二
小學
目錄
讎嫉

新刊監本冊府元龜卷之六百八十一

學校部 一十二

小學 目錄 讎嫉

昔伏羲氏造書契以代結繩之政周官保氏教國子以六書蓋文字之興其來尚矣厥後二篆繼作八体並生沿波振葉增華競逐岐分輒異其流彌廣中代而下善其業者或為之訓詁或形乎論叙布之方牘參乎緇帙或得以徵焉仲尼曰吾猶及史之闕文也又曰盖有不知而作之者故述作之際不可不慎矣黃帝時倉頡為史作蟲篆

周宣王時大史籀作大篆十五篇教學童書也與孔氏壁中古文

異体 又云史籀篇者周時
史官教學童書也

秦李斯為丞相作倉頡篇七章亦曰秦篆

趙高為車府令作爰歷篇六章

胡毋敬為太史令作博學篇七章博學篇文字取史籍篇而篆

倉頡爰歷篇博學三篇斷十六字以程邈為秦獄吏得罪繫雲陽獄市覃思十年益小篆方圓而為穎

書三千字始皇善之用為御史

王次仲上谷人善隸書始作八分書

漢司馬相如為文園令作凡將篇凡將篇

史游元帝時為黃門令作急就一篇又云慕容親造太上章以

各注急就篇

李長成帝時為將作太監作元尚一篇急就元尚篇皆倉頡中正

楊雄為大夫作倉頡訓纂一篇元始中正天下通小篆者以百數

後漢即中賈動作嘉篇故曰壹三倉杜鄴從張吉學吉子竦又幼從孤鄴學問亦著於世尤長小學鄴

子林清靜好古亦有雅材建武中歷位列御至大司空其三文字

過於鄴竦故世言小學者由杜公也又云宣帝時徵齊人能正讀

子杜林為作訓詁馬竦即厥之孫位至涼州刺史

劉歆撰古今文字二卷又焦子明撰文字位至安定屬國都尉

後漢許慎作說文解字十四篇皆傳于世梁有演說文一為汶長

卒

馬援為伏波將軍上書曰臣所假伏波將軍印伏字大外嚮城皋

令印皋字為白下羊丞印四十羊尉印白下人人下羊即一縣長

吏印文不同恐天下不正者多符印所以為信也所宜齊同薦曉
古文字者事下大司空正群國印章奏可
班固字孟堅以易倉頡中重複之字凡八十九篇臣復續楊雄作
十三章文撰在昔篇一卷太甲篇一卷為大將軍竇憲中護軍服
處撰通俗文一卷位至九江太守
蘇林字孝友博學多通古今字指凡諸書傳文間危疑林釋之建
安中為五官將文學甚見禮待
郭顯卿為太子中庶子撰字指一卷
衛宏字敬仲撰古今文官書一卷位至議郎
邯鄲淳一名竺字子叔為博士給事中善倉雅蟲篆許氏字指
蔡邕為中郎將撰聖皇章黃初章吳帝勸孝篇各一卷

崔瑗為濟北相撰飛龍篇篆草勢合三卷

張揖撰埤倉二卷梁樊恭又撰古今字詁三卷又云揖撰三倉雅

譏字一卷又云字二卷朱有字

蜀來敏尤精於倉雅訓詁好是正文字位至執慎將軍

吳頂峻為郎中令撰始學篇十二卷

朱育山陰人少好奇字凡所特達依体像類造作異字千名以上

位至侍中

晉郭荷洛陽人明究群籍恃善史書不應州郡之命

陸機為平原內史撰吳章二卷

王羲為下邳內史撰小學篇一卷

李彤撰字二卷單行字二卷字偶五卷位至朝議大夫

呂忱為弦令撰字林七卷

殷仲堪為荊州刺史撰常用字訓一卷

呂靜為汝復令撰韻集六卷

衛常撰四体書勢一卷

葛洪撰要用字苑一卷終於句漏令

顧愷之為散騎常侍撰略疑三卷

宋何承天為御史丞撰纂文三卷

顏延之撰纂要六卷諸友文三卷位至金紫光祿大夫

謝靈運為臨川內史撰要字一卷

吳公為揚州督護撰字林字音義五卷

刘善經撰文字指歸一卷

夏侯詠撰四聲韻畧十三卷

李暕撰音譜四卷

釋靜洪撰韻英三卷

南齊吳均為奉朝請續文釋五卷

王斌著四聲論行于時

沈梁約撰四聲一卷位至尚書令侍中領太子少傅

阮孝緒不應徵辟撰文字集略六卷

吉文甫為散騎常侍撰釋字同音三卷

蕭子云撰五十二体書一卷位至侍中因于祭酒

蕭愷為太子家令時太學博士顧野王奉令撰玉篇太宗嫌其書

詳略未當以愷博季文字為善使便與學士刪改

詳略未當以愷博季文字為善使便與學士刪改

蕭琛在宮城有北僧南度惟齋一瓠蘆中有漢書序傳曰三輔曰宅傳以為班固真本琛固求得之其書多有異今者而紙墨亦古文字多如龍攀之例非隸非篆琛甚秘之及是行也以書餉鄱陽王範乃獻于宮位至侍中圖書三卷

陳顧野王為左將軍僕玉篇三十卷

庾持善字書每屬辭好為奇字文士亦以此譏之位至太中大夫領步兵校尉

後魏大武始光二年初造新字千餘詔曰在昔帝勅軒製造物乃命倉頡因鳥獸之跡以立文字自茲以降隨時改作故篆隸草楷並行于世然經歷久遠傳失習多失其真故令文体錯謬會義不愜非所以示軌則於來世也孔子曰名不正則事不成此之謂矣

今制定文字世而用者頌下遠近永為楷式

陽丘造字釋教千卷猶類十篇未就而卒其從孫太學博士承慶遂撰為字統二十卷行於世位至國子祭酒兼幽中正

江式字法安陳留濟陽人六世祖瓊字孟瞻晉馮翊太守善蟲篆詁訓永嘉大亂瓊棄官西投張軌子孫因居涼土世傳家業

祖強字文威大延五年涼州平因徙代京上書二十餘法各有体例又獻經史諸子千餘卷由是擢拜中書博士式少專家李除珍寇將軍仍為符節令延昌三年三月式上表曰臣聞庖羲氏作而八卦列其畫軒轅氏興而龜束彰其彩古史倉頡覽仁象之支觀鳥獸之跡別勅文字以代繩用書契以准事宣之王庭則百工以叙載之方冊則萬品以明迄于三代厥体頗異雖依類取制未能

悉殊倉氏矣故周禮八歲入小學保氏教國子以六書一曰指事
二曰象形三曰形聲四曰會意五曰轉注六曰假借蓋是史頡之
遺法也及宣王太史史籀著大篆十五篇與古文或同或異時人
即謂之籀書至孔子定六經左丘明述春秋皆以古文厥意可得
而言其后七國殊軌文字乖別暨秦兼天下丞相李斯乃奏蠲罷
不合秦文者斯作倉頡篇中車府令趙高作爰歷篇太史令胡毋
敬作博學篇皆史籀大篆式類頗省改所謂小篆者也於是秦燒
經書滌除旧典官獄繁多以趣約易始用隸書古文由此息矣隸
書者始皇使下杜人程邈附於小篆而作也以邈徒隸即謂之隸
書故秦有八体一曰大篆二曰小篆三曰刻符四曰蟲書五曰摹
印六曰署書七曰支書八曰隸書漢興有尉律李復教以籀書又
習八体試之課最以為尚書史書省字不正輒舉焉効又有草書
莫知誰始考其形畫雖無厥証亦是一時之變通也孝宣時召通
倉頡讀者張敞受之涼州刺史杜業沛人爰禮講孝大夫秦近亦
能言之孝平徵禮等百餘人說文字於未央宮中以禮為小學元
士黃門侍郎楊雄採以作訓纂篇及亡新居攝自以運應制作使
大司空甄豐校文字之部頗改定古文時有六書一曰古文孔子
壁中書也二曰奇字即古文而異者三曰篆書云小篆也四曰佐
篆書秦隸書也五曰謬篆所以摹印也六曰鳥蟲所以幡信也壁
中書者魯恭王也壞孔子宅而得禮尚書春秋論語孝經也又北
平侯張倉猷春秋左氏傳書体與孔氏相類即前代之古文矣後
漢郎中扶風曹喜號曰工篆小異斯法而甚精巧自是後學皆其

法也文詔侍中賈逵修理旧文殊藝異術王教一端苟有可以加於国者靡不悉雜達即汝南許慎古文字之師也後慎嗟時人之好奇嘆俗儒之穿鑿惋文毀於譽痛字敗於訾更詭任情變亂於世故撰說文辭字十五篇首一終亥各有部屬包括六藝郡書之詁評釋百氏諸子之訓天地山川草木鳥獸昆虫雜物奇恠珍異王制禮儀世間人事莫不具載可謂類聚郡分雜而不越文質彬彬最可得而論也左中即將陳留郎蔡雖採李斯曹喜之法為古今雜形詔於太學立石碑列載五經題書楷法多是雜書也後開鴻都書畫奇能莫不雲集于時諸方獻篆無出雖者魏初博士清河張揖著埤倉雅古今字訓究諸埤廣綴拾遺漏增長事類抑亦於文為益者然其字詁方之許慎篇古今体用或得或失矣陳留邴邴亦與揖同時博聞古藝特善倉雅許氏字指八体六書精究閑理有名於揖以書教諸皇子又建三字石經於漢碑之西其文蔚炳三体復宣校之說文篆隸大同而古字少異又有京兆常誕河東衛覬二家並號能篆當時臺觀榜題室器之銘悉是誕書咸傳之子孫世稱其妙晉世義陽王典祠令任城吕忱表上字林六卷等尋其况趣附托許慎說文而按偶章句隱別古籀奇惑之字又得正隸不若篆意也忱弟靜別放故左校令李登声類之法作韻集五卷宮商角徵羽各為一篇而文字與兄便是魯衛音讀楚夏時有不同皇魏承百王之季紹五運之緒世易風移文字改變篆形謬錯隸体失真俗學鄙習復加虛功巧談辯士又以意為說炫惑於時難以釐改乃曰追來為歸功言為辯小免為斃神蟲為

蠶如是甚衆皆不合孔氏古書史籀大篆許氏說文石經三字也夫文字者六藝之宗王教之始前人所以垂今今人所以識古改曰本立而道生孔子曰必也正名乎又曰述而不作書曰予於觀古人之象皆言遵修旧文而不敢穿鑿也臣六世祖瓊家世陳留往晋之初與從父兄應元俱受學於衛覬古篆之法倉雅方言說文之誼當時並收善譽而祖官至太子洗馬出為馮翊值洛陽之乱避地河西教世傳習斯業所以不墜也世祖太延中皇威西被收隄内附臣亡祖文武杖策歸國奉獻五世傳掌之書古篆八体之法時蒙褒録叙列于文儒林官班又省家號世蒙暨臣閣短識李庸薄漸漬家風有忝無顯但逢時未思出願外每承澤雲津厠霑漏潤驅馳文閣參預史官題篆宮楚猥同上哲既竭愚短欲罷

不能是以敢藉六世之資奉遵考祖之訓竊慕古人之軌企踐儒門之轍輒求撰集古來文字以許慎說文為主爰採孔氏尚書五音經注籀篇尔雅三倉凡將方言通俗文祖文宗押倉廣雅古文字詁三字石經林字韻集諸賦文字有六書之誼者皆以次類編聯文無復重統為一部其方籀奇惑俗隸諸体咸使班於篆下各有區別詁訓假借之誼僉隨文而解音讀楚夏之聲並逐字而注於其所不知者則闕如也脫蒙遂許異省百氏之觀而同文字之域典書秘書所頒之書乞垂勅給并學士五人嘗習文字者助臣披覽書生五人專令抄寫侍中黃門國子祭酒一月一監評議疑隱庶無紕繆所撰名目伏听明旨詔曰可所謂并就太常兼教八書其所須依請給之名目得書成重聞式於是撰集字書號曰

古今文字凡四十卷大体依許氏說文為本上篆下隸正光中除
駝騎將軍兼著作佐郎式尋中卒其書竟未能成

李登為左校書令撰聲類十卷

北齊朱世良強李好屬文撰字畧五篇位至東郡太守

楊休之撰韻略一卷辯嫌音二卷位至和州刺史

顏之推為黃門侍郎撰訓俗文字畧一卷

後周黎李明其從祖廣後魏太武時為尚書郎善古李嘗從吏部

尚書清河伯崔玄受字義又從司徒崔浩李楷篆自是家傳其法

李明亦傳習之顏與許氏有異太祖令李明正定古今文字於東

閣位至車騎大將軍

莫雋為襄樂郡守徵還教世宗及宋敏公等隸書時俗入書李者

亦行束修之禮謂之謝章雋以書字所興起自倉頡若同常俗未

為合禮遂起太祖釋奠倉頡及先聖先師

趙文深善楷隸太祖以隸書純繆命文深與黎李明沈遐等依說

文及字林刊定六體成一萬餘言行於世位至趙郡守

隋文劭為秘書少監所撰隸字三卷

顏繁楚撰證俗章略一卷

曹憲為秘書學士撰古今字圖新錄一卷文字指歸四卷

劉善經河澗人撰四聲指歸一卷

唐顏真卿為刑部尚書大歷十二年獻所著韻海鏡源三百六十

卷詔下秘閣及集賢書院貯之真卿號尚儒學以六法言切韻又

旨非弘乃纂集九經子史字義題為韻海鏡源獻之

唐玄林為翰林侍詔開成初於國子監復定名經子躰玄度玄九
經字体古司業張參五經字樣為定諸經之中別有疑闕曰字樣
未載者今與較勘官同商較是非取其適中纂錄為新加九經字
樣一卷請附五經字樣之末從之

目錄

夫四科之設所趣不同六藝之端為季亦異自微言既絕說邪遂
多諸子玄與郡儒紛糾兵農雜說其徒寔繁然而季者斯勤述者
弥衆廣搜並購既顯於好文疆學專門頗患於寡要故前之達者
分其例類使有條不紊求者可以俯觀者
漢司馬遷為太史令撰史記目錄一卷
劉向撰七畧別錄二十卷元帝擢為散騎宗正給事中

劉歆向之子也哀帝初即位遷騎都尉光祿大夫摠括群書篇撮
其指要著為七畧一曰經畧二曰集畧三曰諸子畧四曰詩賦畧
五曰兵書畧六曰術數畧七曰方伎畧大凡萬三千九十卷
後漢班固傳毅並為校書郎自光武中興明章繼軌於東觀及仁
壽間集書固毅等典掌焉並依七略而為書部固又編之則以為
漢書藝文志

鄭默為秘書郎始制中經

荀勗為秘書監因中經更著新部分為四部摠括群書一曰甲部
紀六藝為小學等書二曰乙部有古諸子家近世子家兵書家術
數家三曰丙部有史記旧事皇覽部雜事四曰丁部有詩賦圖讚
及家書凡四部合二萬九千九百四十五卷

一云最
撰中經

簿十四卷撰文章家集序十卷

晉摯虞為太常卿撰文章志三卷

丘深之撰義熙以來雜集目錄三卷

宋傅亮為中監尚書令撰續文章志三卷

謝靈運為秘書監造四部目錄大凡四千五百八十二卷

文帝撰江左文章志五卷

殷淳為秘書丞在秘書之閣撰大四部書目凡四十卷行于世南

齊王儉為秘書丞撰四部書目四卷大凡一万五千七十四卷又

撰令書七志一曰經典志紀六藝小學史記雜書二曰諸子志記

今古諸子三曰文翰志記詩賦四曰軍書志記兵書五曰陰陽志

紀陰陽圖緯六曰術藝志記方技七曰圖譜志記地域及圖書其

道佛附見合九條賀蹤補

梁王儉永明中為秘書丞與監謝朓又造四部目大凡一万八千

一十卷

阮孝緒不徵應辟篤好墳史博采宋齊以來王公之家凡有書記

叅校官簿更作七錄一曰經典錄紀六藝二曰史籍錄紀記傳三

曰子兵錄紀子書四曰文集錄紀詩賦五曰伎藝錄紀數術六曰

佛錄七曰道錄其分部題目頗有次序

任昉為秘書監於文德內殿列藏衆書華林園內摠集釋典大凡

二万三千一百六卷自齊永元以來秘閣四部篇卷紛雜昉手自

讎校由是篇目定焉

丘賓卿撰天監四年書目四卷

殷均撰天監六年四部書目後授散騎常侍酒子祭酒

祖暄為奉朝請以梁有秘書監任昉殷鈞四部目錄又六德殿目

錄其術教之書更為四部使暄撰其名故梁有五部目錄

楊松玠撰史目三卷

沈約永明二年兼著作即撰宋世文章志二卷

劉遵撰東宮四部目錄四卷

劉孝標安成王引為荊州戶曹參軍撰梁文德殿四部目錄分四

卷

陳沈文阿為散騎常侍兼國子博士撰經典玄儒大義序錄二卷

後魏裴景融領著作時撰四部要畧令景融專典

高道穆為給事黃門侍郎莊帝詔曰秘書圖籍所在內典書又加

繕寫緗素委積蓋有年載出內繁蕪多致零落可令道穆摠集帳

目并牒儒學之士編比次第

後周樊深撰七經異同說三卷義綱畧論并目錄三十卷並行于

世後為中大夫加開府儀同三司

隋牛弘為光祿大夫撰開皇四年書目四卷

王劭為散騎侍郎修起居注撰開皇二十年書目四卷隋文又有魏闕書目

一卷陳秘閣圖書法目錄一卷陳承香殿五經史記目錄二卷開皇

八年四部書目部書目錄四卷香厨四部書目四卷隋大業正御書

目錄九卷玄書目錄六卷雜儀注目錄四卷書品二卷名手盈錄

一卷正流論一卷並無撰人姓名

許善心開皇中為秘書丞于時秘藏圖籍尚多淆亂善心傲阮孝

緒七錄更制七林各為摠叙冠於篇首又於部錄之下明作者之

意區分類例焉

唐馬懷素為秘書監兼昭文館學士是時秘書省典籍散落條流無叙懷素上疏曰南齊已前墳籍旧編王儉七志已後著述其數盈多隋志所書亦未詳悉或古書近出前志闕而未編或近人相傳浮詞鄙而猶紀著無編錄難辯淄澠望括檢近書篇目并前志所遺者續王儉七志藏之秘府帝於是召學涉之士国子博士尹知章等分部撰錄並刊正經史粗創首尾會懷素病卒

元行冲為太子賓客弘文館學士累封常山郡公先是秘書監馬懷素集學者續王儉今書七志左散騎常侍褚無量於麗正殿校寫四部書事未就而懷素無量卒詔行冲摠代其職於是行冲表謂通撰古今書目名為群書目錄命李士鄆縣尉母照櫟陽尉常

述曹州司法參軍殷踐猷大學助教余欽等分部修檢歲餘書成

奏上之開元七年詔曰比來書籍缺亡后多錯乱者良由籍歷不
明綱維失序或須披閱難可檢尋令麗正殿寫四庫書各
於本庫每部別為目錄其與四庫目不類者依劉歆七畧排為士
志其經史子集及天文錄以時代為先後以品秩為次第其三教殊
英既有缺落宜旧書目隨欠修補
朕當披覽無使闕遺

常述為櫟陽尉秘書監馬懷素受詔編次圖書乃奏用左散騎常侍元行冲左庶子齊澣秘書少卿王洵衛尉少監吳兢等并述等二十六人同於秘閣詳錄四部書懷素尋卒行冲代掌其事五年而成其摠目二百卷

刊校

仲尼曰文王既沒文不在茲乎故自衛返魯刪定經藝而門人達者亦有所刊正焉既而遭秦煨燼會漢巫蠱編簡散逸微言殆絕

雖復故老所傳得於口占壞壁之獲固多古文頗或遺脫率用裁
擇既而學校斯建傳習弥廣龜鳥之變魚魯之殊盖有之矣矧復
師資迭授覃研無廢增以章句為之訓傳又多乎哉故英儒博聞
之士潛心大業探求精義正其闕誤芟其繁乱蒙被詔令典校閣
成上書自陳求其筆札至於前世之載記籍載百家之述作亦或
揚摧其繆戾考正其異同縫其漏而質其非剪其蕪而撮其要朱
紫之有別淄澠之不亂六經之旨既明四部之文惟叙後來以之
折衷學者茲於蒙益非好古博雅之君子疇克預于此哉

孔子刪詩為三百篇

卜商字子夏孔子弟子之晉過衛有讀史記者曰晉師三豕涉河
子夏曰非也是已亥也夫已之與三相近豕之與亥相似至於晉

而問之則曰晉之已亥涉河也

漢孔安國孔子後也武帝時為博士魯共王壞孔子宅得古文尚

書安國悉得其書以考工二十九篇得多十六篇壁中書多以考

之外更得安國獻之遭巫蠱事未列於學官安國以孔氏科斗尚

文義定其可知者為隸古家更以竹簡寫之曾多使生二十五篇

凡王之誥合於履命復出以篇并字

刘向成帝時為光祿大夫先是武帝時以中古文易經校施孟梁

丘經言中者以外別耳也向又以中古文校歐陽大小夏侯三家尚

書經文酒誥脫簡一召誥脫簡二率簡二十五者脫亦二十五字

簡二十二字者脫亦二十二字文字異者七百有餘脫字數十至

成帝時詔向校經傳諸子詩賦步兵校尉任宏校兵書太史令尹

成校數書太醫監李柱國校方技每一書就向輒為一錄論其指歸辨其訛謬而奏之

劉歆為黃門郎河平中與父向領校秘書

後漢蘇竟以易明為博士講書祭酒王莽時與劉歆等共典校書

桓榮習歐陽尚書事博士朱普受普李章句四十萬言浮辭繁長

多過其實及榮入授明帝減為二十三萬言子郁復刪定省成二

十萬言由是有桓君大小大常章句桓榮建武三年為太常桓

鍾具明帝時為左中郎將詔令定春秋章句去其復重

樊儵刪定公羊嚴氏春秋章句世號樊侯李仕至長校尉

張霸永元中為會稽太守以樊儵刪嚴氏春秋猶多繁辭乃減定

為二十萬言更名張氏李

崔宴拜議郎復與諸儒博士雜定五經

馬融為校書郎詣東觀典校秘書

楊終章帝時為蘭臺校書紹受詔刪太史公書為十萬言更典

傳毅為郎中建中初章帝博詔文學之士以毅為蘭臺令史拜郎

中與班固賈逵共典校書

鄭眾為太司農受詔作春秋刪十九篇

劉珍少好孝安帝時為謁者僕射鄧太后詔使與校書劉駒駱馬

融及五經博士校定東觀五經諸子傳記一百家藝術整齊脫誤

足正文字

伏無忌博物多識順帝時為侍中屯騎校尉詔與議郎黃景校定

中書五經諸子百家藝術

張英少遊三輔師事太尉朱寵學歐陽尚書初年武章句浮辭繁多有四十五萬餘言真為九万言後辟大將軍梁冀府乃上書桓帝奏其章句詔下東觀

廷篤從論解經傳多所駁正後儒服虔等為以折中位為至侍中

盧植灵帝時為九江太守時始立大學石經以正五經文字植乃

上書曰臣少從通儒故南郡太守馬融受古學頗知今之礼記特

多田穴回穴由臣前以周礼諸經發起批謬敢率愚淺之解詰而

家之無力繕供馬上繕善也言家貧願得將能書生二人共詣東

觀就官財粮專心研精合尚書章句考礼記失得庶裁定聖典刊

正碑文古文科斗近於為實而厭抑流俗降在小季中興以來通

儒達士班固賈逵鄭興父子並敦悅之今毛詩左氏周礼各有傳

記其與春秋共相表裏宜置博士為立學官以助後來以廣聖意

後與諫議大夫馬日磾議郎蔡邕楊彪韓鈺等並在東觀校書五

經記傳補續漢記

蔡邕拜郎書校書東觀遷議郎邕以經籍去聖人遠文字多謬俗

儒穿鑿疑誤後學熹平四年乃與五官中郎將堂谿光祿大夫楊

賜諫議大夫馬日磾議郎張訓韓鈺等太令史單飈堂谿姓也典

西郡人為奏求正定六經文字灵帝許之邕乃自書冊於碑使工鐫

刻立於大學門外洛陽記曰大季正洛成南蘭陽門外講堂長土

尚書周勃公羊十一碑上碑字十二碑毀南行礼記十五碑悉確壞東

於是後儒晚學咸取正焉及碑始立其觀視及摹寫者車乘日千

餘兩填塞街陌馬日磾融之族子少傳融業以才學進與楊彪盧

植蔡邕等典校中書

刘陶明尚書春秋為之訓詁雅三事尚書

三家冒夏侯建夏侯勝歐陽和為侍郎受詔次

春秋 第春秋 是帝時拜侍御史

吳常曜為中書郎博士祭酒孫林命曜依刘向故事定衆書

晉司馬彪為秘書郎初推周以司馬遷史記書周秦以上或採俗

語百家之言不傳正經周於是作古史考二十五篇皆憑旧典

以糾迂之謬誤彪復以周為未盡善也條古史考中凡百二十二

事為不當多據汲冢紀年之議亦行于世

鄭默字思元起家秘書郎考覈旧文刪省浮穢中書令虞松謂曰

而今而後未敢別矣

東哲為左著作郎武帝太康二年汲郡人不準掘魏安釐王家得

竹簡小篆古書十萬言藏于秘府秘書丞衛常考正汲冢書未記

而遭難哲述而成之事多證異義時東萊太守陳留王庭堅唯之

亦有證據哲又釋難而庭堅已亡散騎侍郎潘滔謂王接曰卿才

學理義足解二子之紛可試論之接遂其得失摩虞謝衡皆博物

多聞咸以為允當初太康二年汲郡人不準盜發魏襄王墓或言

以來至周幽王為犬戎滅以事接之三家外迷魏事至安釐王

異則亡夏年多乾益于啓位啓殺之太甲殺伊尹文王殺季歷自

行天子事非二相共也其易經二篇每周易一易經一易經一易經

孫段二篇公孫段師春涉倫易國語三篇言楚晉事名三篇以禮

姓數也瑣語十一篇諸國卜夢妖依相書也梁丘藏一本先叙魏

大篇二篇鄒子談天類也穆天子傳五篇言周穆王游行四海見

帝臺西王母圖詩一篇畫贊之屬也又尚書十九篇周令田法周

書命楚事周穆王美人盛姬死大事凡七寸發書皆利斗字初蔡
不識名題冢中又得銅鑑一枚長二尺五寸既殘不復詮次
冢者燒策照取寶物及官收之多炳簡斷而文既缺之哲在著
武帝以其書付秘書校綴次第尋考指歸而以金又寫之哲在著
作得現竹書隨說分
什皆有羨證

李克為大著作郎于時典籍混亂克刪除煩重以類相從分作四
部其有條貫秘閣以為永制

徐廣字野民孝武世除秘書郎典校秘書省增制置省職轉員外
散騎侍郎仍領校書

宋謝灵運為秘書監文帝使釐理秘閣書補足遺闕

梁任昉為秘書監領前軍將軍自齊永元以來秘閣四部篇卷紛
雜昉手自讎校由是篇自定焉

張率為司徒掾直文德待詔省勅使抄一部書後為建安王記室

直壽光省治丙子部書抄

阮孝緒陳留尉氏人著刪繁書武帝時徵不到

刘峻天監初詔入西省與學士賀縱典校秘閣

刘沆為太子洗馬時文德殿置學士省召高才碩學者待詔其中

使之校墳史詔沆通籍焉

刘之遴為太學博士時潘陽王范得班固所尚漢書真本献之東

宮令之遴與張纘劉溉等參校異同之遴錄其異狀數十事非真

本殷均為秘書丞在職啓校定秘閣四部書

陳周弘正在梁為左民尚書及侯景平生僧辨啓送秘書圖籍勅

弘正讎校

姚察為秘書監領著作察任秘省大加刪正

後魏闕駟博通經傳初任沮渠蒙遜為秘書考課郎中給文吏三十人典校經籍判定諸子三千餘卷

崔光韶為司徒行叅軍孝初勅光韶兼秘書郎掌教華林秘書宋道璵少而敏雋宣武初以才學被召與秘書丞孫惠蔚典教群書考正同異

常景為秘書監刪正晉司空張華博物志

北齊李鉉為太子博士在東館師友諸王鉉以去聖久遠文字多有乖謬感孔子必也正名之言乃喟然有刊正之意於講授之暇遂覽說文爰及倉雅刪正六藝經中謬

樊遜以對策第一清河王岳為大行臺率衆南討假遜大行臺郎中文宣天保七年詔令校定群書供皇太子遜與莫州秀才高乾

和瀛州秀才馬敬德許散愁韓同寶洛州秀才傅懷德懷州秀才

古道子廉平郡孝廉李漢子渤海郡孝廉鮑長暄陽平郡孝廉景

孫前梁州府主簿王九元前開府水曹叅軍周子深等十一人被

尚書召共刊定時秘府書籍紕繆者多遜乃議曰案漢中壘校尉

列向受詔校書每一書竟表上輒言臣向書長水校尉殺青今所

離校供極重出蘭台御諸甲館向之故事見存府閣即欲判定必

籍衆本太常卿邢子才太子少傅魏收吏部尚書辛術司農少卿

穆子容前黃門郎司馬子瑞故國子祭酒李業興並是多書之家

講牒借本叅校得失秘書監尉瑾移尚書都坐凡諸別本三千餘

卷五經諸史殆無遺闕

宋繪好撰述以諸家年歷不同多有紕繆乃刊正異同撰年譜錄

未成武成清河五年並遭水漂失繪雖博聞強記而天性恍惚晚
又遇疾言論遲緩及失所撰之書乃撫膺慟哭曰可謂天喪予也
後周寇雋拜秘監特軍國草創墳典散逸雋始選制置令史抄集
經集四部群書稍得備具
蕭撝梁武帝弟安成王秀才也入中周為侍中驃騎大將軍明帝
即位集公卿已下有文學者八十餘人於麟趾殿校定經史乃撰
世譜撝亦預焉以母老兼有病疾五日番上便隔晨昏請在外著
事詔許焉

宗慄初仕梁元帝時為吏部尚書及江陵平與王褒等入關太祖
以慄名重南士甚禮之明帝即位詔慄與王褒等在麟趾殿刊定
群書

元偉明帝初拜師氏中大夫受詔於麟趾殿刊正經籍

楊寬為御正中大夫武成二年詔寬與麟趾學士參定經籍

姚勗字士會梁大監正僧坦之子年十九隨僧坦入關明帝盛聚
學徒校學書於麟趾殿勗亦預為學士

隋李德林父敬族歷太子博士鎮遠將軍魏孝靖帝時命當世通
人正定文籍以為內校書別在直閣省

郎茂仕齊為司空府參軍春詔於秘書省刊定載籍

許善心為秘書丞奏追李文博陸典等學者十許人正定經史錯
謬

刘焯以儒學知名除員外將軍與諸儒於秘書省考定群言

王邵為著作郎採摭經史謬誤為讀書記三十卷時人服其精博

于仲文為光祿大夫撰漢書刊繁三卷

唐顏師古貞觀中於秘書省考五經師古多所鑿正既畢奏之太宗復遣諸儒重加詳議于時諸儒傳習既久皆共非之師古輒引晉宋已來古今隨方曉畧按批詳明皆出其意未諸儒莫不嘆服於是拜通直散騎常侍頒其所定之書於天下令學者習焉尋行秘書少監專典刊正所有奇書雜字衆所有惑者隨疑剖折曲盡其源

呂才為太常博士太宗以陰陽書行之自久近代以來漸至訛偽穿鑿既甚拘忌亦多遂命有司摠令修撰命才及諸陰陽學者十餘人共加刊削并旧書可行者四十七卷書成班詔下之魏徵為秘書監以喪亂之後典章紛集奏引李者校定四部書數

年之間秘府圖籍率備

元行冲為國子祭酒弘文館學士時秘監馬懷素集學者續王儉今書七志左散騎常侍褚無量於麗正殿校寫四部書事未就而懷素無量卒詔行冲代其職

長孫無忌為太尉高宗永徽二年三月詔無忌及中書門下與國子三館博士引文館學士刊定故國子祭酒孔穎達所撰五經正義顏楊庭古師子也永徽三年楊庭為符璽郎又表上師古所撰正謬正俗八卷高宗下詔付秘書閣仍賜楊庭帛五十匹

司馬承禎隱於天台開元初徵至京師承禎頗善篆隸書寫三牀老子經因刊正文句定著五千三百八十言為真本以奉上之後居王屋為陽臺觀卒贈銀青光祿大夫號真玄先生

蔣乂集賢學士將明之子也弱冠該博群籍其父在集賢日常以兵亂之後圖籍溷雜乃白執政請令乂入院編次於是宰相張鎰署乂為集賢小吏編錄終逾一年於散亂中整緝二万余卷勒成部帙旁通百家尤精歷代沿革後為集賢學士褚無量以內庫旧書目高宗代即藏在宮中漸致遺逸奏請繕寫刊校以引經籍之道於是上令於東都乾元殿前施架排次因大加搜寫廣求天下異本數年間四部充備後迁左散騎常侍兼國子祭酒封舒国公

刘大真貞元二年為秘書監大真上言請擇儒者詳校九經於秘書省令所司陳設及供食物宰臣錄其功課從之
包佶為秘書監貞元年上言開元中刪定礼記月令改為時令其

音及疏并開元有相涉者並未刊正請選通儒詳定從之會佶卒其事不行

文宗太和三年三月癸亥集賢院奏應校勘宣素書及新添寫經籍今請秘省春坊崇文校正共一十八員權抽作番次就院同校勘前件書其厨料等請度支准本官例支給從之

周墀為起居舍人集賢殿學士開成元年正月中書門下奏墀及監察御史張次宗禮部員外郎孔温業水部員外郎集賢殿直學士崔球等同就集賢院勘校經典釋

鄭覃為門下侍郎平章事兼國子祭酒初文宗詔國子監九經石本所司校勘尚有舛誤傳於永久必精詳宜令率更令韓泉充詳定石經官就集賢審校勘仍旋送國子監上石開成二年十月覃

進石壁九經一百六十卷

後唐楊凝式明宗天成初為給事中凝式精選通儒校定三館圖書

馬縞為太子賓客長興三年四月勅近以遍注石經雕刻印板委國學每經差專知業博李儒徒五六人勸讀并注今更於朝官內別差五人充詳勘官太子賓客馬縞太常丞陳觀祠部員外郎兼太常博士段顥太常博士路航屯田員外郎田敏等朕以正經事太不同諸書雖以委國學差官勘注蓋緣文字極多尚恐偶有差誤馬縞已下皆是碩儒各專經業更令詳勘責必精研兼宜委國子監於諸色選人中召能書人謹楷寫出朕付匠人雕刻每五百紙與減一選所減等第優劣轉官資時宰相馮道以諸經舛謬

與同列李愚委學官等取西京鄭覃所刊石雕為印板流布天下後進賴之

漢隱帝乾佑元年四月國子監上言在監雕印板九經內只周禮儀禮公羊穀梁四經未有印板今欲集學官校勘四經文字雕造印板從之

周田敏為尚書左丞兼判國子監事廣順三年六月敏獻印板書五經文字五經字樣各二部一百三十策奏曰臣等自長興三年校勘雕印九經書籍經注繁多年代殊藐傳寫訛謬漸失根源臣守官膠宰職司校定旁求援據上備雕鐫幸遇聖朝克終勝事播文德於有截傳世教以無窮謹具陳進先是後唐宰相馮道李愚重經學因言漢時崇儒有三字石經唐朝亦於國學刊刻今朝廷

日不暇給無能別有刊立常見吳蜀之人鬻印板文字色類絕多終不及經典如經典校定雕摹流行深益於文教矣乃奏聞勅下儒官田敏等考校經注敏於經注長於詩傳孜孜刊正援引證挹聯為篇卷先經奏定而後雕刻乃分政事堂厨錢及諸司公用錢及納及第舉人禮錢以給工人
尹拙為國子祭酒顯德二年二月中書奏拙狀稱准勅校勘經典釋文三十卷雕造印板伏以陸氏釋文唐初撰集綿歷歲月傳寫失真非多聞博識之人通函洞微之士重共商確必致乖訛况今朝廷富有鴻碩如兵部尚書張昭太常卿田敏皆文儒之領袖也或家藏万卷或手校六藝實後李宗師為今當之雄向伏乞察以事繼垂教情非屬私時賜敷教俾同讎校勅曰經典之來訓釋為重須資鴻博共正疑訛庶使字文精究免至傳習或眩其經典釋文已經本監官負校勘外宜差兵部尚書張昭太常卿田敏詳校顯德三年十二月詔委中書門下於朝官內選差三十人據見在書籍各求真本校勘刊正謬誤仍於逐卷後署校勘官姓名宜令館司逐月具功課申報中書門下

讎嫉

仲尼沒而微言絕七十子喪而大義乖周室道微漢承秦弊師授迭異經藝遂分以是聲名家之學樹同門之黨穿鑿聖典異端蜂起既傳稟之不一復潤色而相勝其有隸章句之業乖和裕之德緣飾已失以為當倚撫彼是以為非庠序之間謹咋騰誦講習之際譏詆紛錯互相擯斥動成仇讎或分爭於朝廷或迂謗於祖商

其於攻訐以寘害淪胥而罹咎者蓋有之矣固異夫合志同方營道同術之說焉

漢轅固生以治生詩孝景時為博士與黃生爭論景帝前久之病免武帝初即位復以賢良徵固諸儒多疾毀固曰固老罷歸之時固已九十余矣

王式字翁思以說時昭帝時為昌邑王師王廢式以減死論歸家山陽張長安幼君名長安先事式後東平唐長賓沛褚少孫亦來事

式問經數篇式謝曰聞之於師具是矣自潤色之言所聞師說其潤也便不肯復授唐生褚生應博士弟子選諧博士摠衣登堂頌

禮甚嚴摠衣謂以手牽令離地也式誦說有法疑者立蓋不言論語載孔子曰蓋有不知而作之者我先是也式欲遵此意故效

諸博士驚問何事對曰事式皆素聞其賢共薦式詔除下為博士

下除官之書也下式徵來衣博士衣而不冠曰刑餘之人何宜復充胡嫁切禮官既至舍中會諸大夫博士共持酒肉勞式皆注意高仰之

勞來到博士江公世為魯詩宗為魯詩者至江公著孝經說心嫉式謂歌吹諸生曰生歌吹以相樂也歌驪駒詩篇名也見大禮

驪駒在門僕夫具存驪駒在路式曰聞之於師客歌驪駒主人歌僕夫鑿駕也客客毋庸歸庸用也主禮未今日諸君謂主人也尚早未可也

江翁曰經何以言之於經何而式曰在曲禮江翁曰何徇曲也意

故妄聲言狗者輕賤之甚也今式耻之陽醉邊墜過失拋而倒也流俗書本云何曲狗妄改之也式耻之陽醉邊墜墜古地字過音

徒浪式客罷讓諸生曰我本不欲來讓青諸生彊勸我竟為豎子所辱遂謝病免歸於家

劉歆為光祿大夫校秘書欲建立左氏春秋及毛詩逸禮古文尚書皆列於學官哀帝令歆每五經博士講論其義諸博士或不肯

制對並不每歆意同故不肯立其歆因移書太常博士讓之其言

甚切諸儒皆怨恨是時名儒光祿大夫龔勝以歆移書上言疏深

自罪責願乞骸骨罷及儒者師丹為大司空亦大怒奏歆改亂旧

章非毀先帝所立帝曰歆欲廣道術亦何以為非毀我歆由是忤

執政大臣為衆儒所詘詘諷也音所懼誅求出補吏為河内太守

以宗室不宜典三河徙守五原

後漢孔僖字仲和魯國人也遊太學習春秋因讀吳差王夫差傳

廢書嘆曰所謂畫龍不成反類狗者友人崔駰曰然昔孝武皇帝

始為太子方年十八崇信聖道師則先王五六年間號勝文帝及

後恣已忘其前善僖曰書傳若此多矣隣房生梁郁僂和之曰如

此武帝亦是狗也僖駰默然郁怨恨之陰上書告駰喜誹謗先帝

譏刺當時事下有司駰諧吏受訊僖恐誅乃上書章帝自訟詔皆

勿問拜僖蘭臺令

周福其陵人初桓帝為蠡吾侯受季於福及即帝位擢福為尚書

時同郡河南尹房植有名當朝鄉人謂之謠曰天下規矩房伯武

因師獲印周仲進二家賓客至相譏揣遂各樹朋徒漸成允隙

鄭玄字康成北海高密人少為鄉耆夫及黨事起被禁錮遂隱修

經業杜門不出時任城何休好公羊季者公羊墨守言公羊義理深遠不可駁

雜如墨翟左氏膏肓喻左氏之疾不可為也穀梁廢疾玄乃答墨守鍼膏肓

起廢疾休見而嘆曰康成入吾室操吾矛以代我手後公車徵為

大司農給安車一乘

蜀孟光字孝裕河南洛陽人漢末為講吏部猷帝廷都長安遂逃

入蜀劉焉父子待以客禮博物識古無書不覽尤銳意三史長於

漢家旧典好公羊春秋而譏呵左氏每與來敏爭此二義先常說

說謹咋

說音如交切謹音休
袁切咋音祖格切

先主定益州拜為議郎

許慈字仁篤胡潛字公與並為博士慈善鄭氏季治易尚書三禮

毛詩論語潛卓犖強記先主定蜀承喪亂歷記季業衰廢乃鳩合

典籍沙汰衆季慈潛與孟光來敏等典章旧文值廢事草創動多

疑議慈潛更相克伐謗讟忿爭形於声色書籍有無不相通借時

尋楚捷以相震撼

虛晚切

其矜已妬彼乃至於此先主怒其若此辟

僚大會使倡家假為二子之客傲為訟閱之狀酒酣樂作以為嬉

戲初以辭義相難終以刀杖相屈用感之切

後魏游雅文成時為秘書監比人陳竒慶翫經典博通墳籍與河

澗邢佑同召赴京素聞其名始頗好之引入秘省欲授以吏職后

與竒論典誥及詩書雅贊扶馬鄭易至訟卦天與水遠行雅曰自

葱嶺以西水皆西流推此而言易之所及自葱嶺以東耳竒曰義

理縣廣包含宇宙若如公言自葱嶺以西豈東迴望光哉竒執義

非雅每如此類終不苟從雅性護短因以為嫌嘗衆辱或尔汝

之或指為小人竒曰公身為君子竒身且小人耳雅曰君言身且

小人君祖父是何也竒曰祖燕東部侯釐雅贊竒曰侯釐何官也

竒曰三王不傳禮官曰豈同哉昔右有雲師火正鳥師之名以飾

而言世革則官異時異則禮變公為皇魏東宮內侍長待長竟何

職也由是深感之先是竒勅以竒付雅令鏗補秘書雅既惡之遂不復叙用焉竒兄散教年高允每與竒離溫古籍嘉其遠致稱竒通識非凡學所窺允微勸雅曰君朝望具瞻何為與野儒辨簡牘章句雅謂允有私於竒曰君寧黨小人也乃取竒所注論語孝經焚於庭內竒曰公貴人不乏樵薪何乃燃竒論語雅愈怒因告京師後生不听傳授而竒無降志亦評雅製昭皇太后碑文論后文字之美比論前魏之甄后竒刺廢其非間於上詔下司徒對對碑皮事乃諷后雅有屈焉有人為謗書多怨時之言頗稱竒不得志雅乃諷在事云此書言竒不遂當時竒假人為之如依律文造謗書者皆及挈戮遂抵竒罪時司徒平原王陸釐麗知竒見枉惜其才學故廷延經年莫有寬宥但執以獄成竟致大戮遂及其家

隋劉焯信都人為縣功曹高祖開皇初中與左僕射楊素等於國子學共論古今滯義素等莫不服其精博時運洛陽石經至京師文字磨滅莫能知者奉勅與劉炫等考定後因國子釋奠與炫二人論義深挫諸儒諸儒妬恨遂為飛章所謗除名為民蘇夔右僕射威之子少有盛名起家為通仕舍人議樂事與國子博士何妥各有所持於是夔妥俱為一議使百寮署其所同朝廷多附威同夔者十八九妥恚曰吾席間函丈四十餘年反為胙暮兇所屈也

元善文帝特為國子祭酒季問在通直散騎常侍何妥之下然以風流醞籍俯仰可觀音韻清明聽者忘倦由是為後進所歸妥每懷不平心欲屈善講春秋初發題諸儒畢集善私謂妥名望已定

辛無相苦安然之及就講肆安引古今滯義以難善多不能對善
深街之三人由是有隙
唐孔穎達仕隋煬帝大業初為河內郡博士詔徵諸郡儒官集于
東都令國子秘書學士與之論難穎達為最時穎達少年而先輩
宿儒耻之屈潛遣刺客伺其便而圖之禮部尚書楊玄感深礼之
知其如是延之於第待以上客薦為大學助教由是顯名貞觀中
遷國子祭酒撰正五經疏義稍為詳悉然有大學博士馬嘉運每
持撻之曰此相與不平嘉運屢相譏詆有詔更令詳定未訖而卒
周樊倫為國子司業太祖廣順末尚書左丞田敏判國子監猷印
板九經書流行而儒素官多是非倫乃掇拾舛誤訟於執政文官
敏擅用賣書錢千萬請下吏訊詰樞密使王峻素聞敏大儒佐佑

之密訊其事搆致無狀然於其書至今是非未息

嘉月之七報同陳重三傳三卷三端之制以實有誤難堪重

傳士之七報同陳重三傳三卷三端之制以實有誤難堪重

四式不同誤以五冊鄭萬里之疏信士相索其集之制以實有

冊夏商之冊無間冊大冊其書其時之書其書其時之書其書

冊其冊其冊其冊其冊其冊其冊其冊其冊其冊其冊其冊其冊

監本冊府元龜卷之六百八

冊其冊其冊其冊其冊其冊其冊其冊其冊其冊其冊其冊其冊

冊其冊其冊其冊其冊其冊其冊其冊其冊其冊其冊其冊其冊

冊其冊其冊其冊其冊其冊其冊其冊其冊其冊其冊其冊其冊

冊其冊其冊其冊其冊其冊其冊其冊其冊其冊其冊其冊其冊

冊其冊其冊其冊其冊其冊其冊其冊其冊其冊其冊其冊其冊

刑法部

總序

折獄致刑著於義易惟明克允載於虞書斯則制治在乎勅法勅法在乎得人之義也舜以咎繇作士故尚書云咎繇作士明于五刑以弼五教又謂之大理故文子曰咎繇喑而為大理天下無虐刑夏商之制無聞周制大司寇掌建邦之三典以佐王刑邦國誥四方小司寇以五刑聽萬民之獄訟士師掌五禁之法以左右刑罰鄉士遂士縣士方士各聽其所治獄訟司刑掌五刑之法以麗萬民之正罪司刺掌三刺三宥三赦之法以贊司寇聽獄訟堂因掌守囚及刑殺掌戮掌斬殺司隸掌囚執人布憲掌邦之禁皆治

刑之官也列國有士師論語所謂孟氏使陽膚為士師也亦謂之理史記所謂李離為晉文公之理也秦制廷尉掌刑辟秩二千石古者兵獄同制故謂之尉漢制尚書三公曹主斬獄二千石曹掌中都官盜賊辭訟罪法亦謂之賊曹又御史屬官有法令曹掌律廷尉秩中二千石有正及左右監秘皆千石景帝中六年更名大理武帝建元四年復為廷尉宣帝地節三年初置左右平秩皆六百石掌平詔獄寇法哀帝元嘉二年復為大理自孝武而下置中都官獄三十六所各令長之名如宗正領都司空令丞主罪人少府領若盧令丞主詔獄治將相大臣之類也又置繡衣直指出討姦滑治大獄不常置其有大獄則令雜治如王嘉致郁舩詔獄使軍士以下與二千石雜治之類也其次即詔令問如廷尉請捕衡

山王遣中尉大行郎問之類也其當罪又令雜議如淮南王長所
紀不執丞相御史宗正廷尉雜奏又詔列侯吏三千石議是也後
漢置治書侍御史選高第明法律者為之天下讞疑事則以法律
當其是非廷尉卿中二千石掌平獄刑罰奏當所應凡郡國讞疑
罪皆處當以報負吏百四十人又省右平尚存左平又罷中都官
以下諸詔獄獨廷尉洛陽縣有烏魏武初建國改廷尉為大理又
置律博士又置定科郎主定法令都官郎主軍事刑獄黃初元年
復以大理為廷尉晉制初以三公尚書掌刑獄太康中省之以吏
部尚書領刑獄又廷尉主刑法獄訟為官有正監平通視南臺治
書為尚書郎下廷又有律學博士又置黃沙治書侍御史秩與中
丞同掌詔獄又廷尉不當者皆治之後省去咸寧中又置廷尉丞

宋增置都官尚書掌京師非違無掌刑獄又置增剛定即如魏之
定科郎齊廷尉置丞止監平律博士各一人梁初曰大理天監元
年復為廷尉廷尉視秘書監丞視皇子行佐正視正王佐正監平
三人比舊選少重複服獬豸冠介幘帛衣銅印墨綬又革置建康
縣獄三官視給書中以尚書郎為之冠服同廷尉三官元會廷尉
三官與建康三官皆法官皂衣朝服以監東西中華門手執方木
長三尺方一寸謂之執方器又置律博士視員外後魏孝文太和
中廷尉卿品第二上少卿品第三上正監評丞品第五中獄掾品
從第七下二十三年復次職令廷尉品第三少卿品第四正監平
品第六丞品第七永安二年復置司直事十人視五品上不署曹
事慶治御史檢劾事比齊大理寺決正刑獄卿屬官正監平各一

人律博士四人明法掾各二人後周依周禮建六官有司寇鄉領
秋官府司寇等衆職又有刑部中大夫掌五刑之法附萬人之罪
隋文帝改周六官依前代之法復置都官尚書侍郎復改為刑部
復置大理寺鄉少鄉正監平各一人司直十人律博士八人明法
二十人獄掾八人鄉正三品少鄉正四品正監平正六品律博士
正九品煬帝又改丞為勾檢官增置為十六人分判獄事唐制御
史大夫中丞掌邦國刑憲典掌其屬侍御史掌推鞠獄訟謂之東
西推凡有別勅付推者則按其實狀以奏尋常之獄推訖斷于大
理興元元年又詔殿中侍御史與侍御史同知東西推分日受事
謂之四推置尚書一人郎一人掌天下刑法及徒隸勾覆閔禁之
政其屬刑部郎中員外各二人掌式尚書侍郎舉其典憲而辦其
輕重都官郎中員外各一人掌配隸簿錄俘囚以給衣糧藥瘡以
理訴競雪免尚書正三品侍郎正四品郎中並正五品員外並正
六品龍朔三年改刑部尚書曰司刑太常伯侍郎曰少常伯郎中
為大夫都官為司僕咸亨元年復為刑部光宅元年改為秋官神
龍元年復舊又置大理鄉一人少鄉二人掌邦國折獄詳刑之事
明慎以讞疑獄哀矜以宥寃獄公平以鞠庶獄正二人掌叅議刑
獄正科條之事六丞斷罪不當則駁正之丞六人掌分判寺事凡
有犯皆據其本狀以正刑名凡有丞判尚書六曹所統百司及諸
州之務其刑部丞常押獄每一丞斷事五丞同押若有異見則各
言之主簿二人掌勾檢稽失凡官吏之負犯并雪免者則據所由
文牒而立簿為獄丞三人掌率獄史知囚徒司直六人評事十二

人掌出使鄉徒三品少鄉從四品正從五品丞從六品主簿從七
品獄丞從九品司直從六品評事從八品龍朔二年改為詳刑寺
鄉為正鄉正為大夫咸亨元年復為大理光宅元年改為司刑神
龍元年復故凡吏曹補署法官則與刑部尚書侍郎議其人可否
然後主擬若存制使覆囚徒則御史大夫中丞與刑部尚書參擇
之凡天下之人人有稱冤而無告者御史大夫與中書門下為三
司以鞫之大事奏裁小事轉達三司雖按而非其長官則御史與
刑部郎中員外大理事直評事往訊之五代因之歷代丞相三公
刺史宰相令長之從事掾屬其乎刑獄則有決曹刑曹賊曹法曹
司法長流刑獄之類焉夫律令者國之衡石刑辟者人之銜轡故
王者慎其事擇其官以成欽恤之心以致平翻之治然後上靡苛

政下無冤民庶獄清而善氣應其由茲乎是故類其善惡自成一
編凡刑罰部九門

定律令

古先哲王即天倫緣民情為之刑罰威獄以類其震懼殺戮焉蓋
所以防邪辟禦姦軌禁其踰矩以佐乎治者也唐虞而下制事典
以為律度作法令而一民志隨世輕重沿革斯在然而周設三典
施用既殊漢增九章條目寢廣晉魏之後或損益殊制繁簡異且
載之討論有所判定救時之弊乃至於申嚴濟民之殘式從乎寬
俗杜周所謂三尺法亦何常之有哉若夫出令惟行周書之攸慎
用刑不中仲尼之所譏自非協于大中而較若畫一又曷能御下
而濟衆者乎

堯命伯夷降典折民惟刑伯夷下典禮教

舜既攝政象以典刑象法也法用常流宥五刑法寬五刑

鞭作官刑以鞭為治朴作教刑扑擾楚也金作贖刑金黃金

刑以金贖罪青定肆赦怙終賊刑青過定害準緩賊殺也過而有害當

欽哉欽哉惟刑之恤哉舜陳典刑之義勅天下周成王時周公旦

作周禮述太司寇職掌建邦之三典以佐王刑邦國誥四方典法也誥

謹也書曰王耗蓋度一曰刑新國用輕典新國也新辟也立君之

習於教二曰刑平國用中典平國承平守城之國也二曰刑亂國用

重典亂國篡殺叛逆之國用重典以五刑糾萬民刑亦法也糾猶

一曰野刑上功糾力功農功二曰軍刑上命糾守命將命也守不

三曰鄉刑上德糾孝德六德也善四曰官刑上能糾職能其事

其修五曰國刑上愆糾暴愆愆慎也暴當為以圜土聚教罷民圜

獄城也聚罷民其中困若以教之凡害人者寘之圜土而施職事

為善也民不愆作勞者有似於罷之有過失麗于法者以其不故犯

焉以明刑耻之法其人為謂邪惡之廢其困悔而能改也寘置也

施職事以所能役之明刑書其能改者反于中國不蓋三年反于

其罪惡于大方版著其皆其能改者反于中國不蓋三年反于

謂舍之还于故鄉里也司國戒曰上罪三年而舍中罪二年而舍

其不能改而出圜土者殺逃也其屬小司寇掌外朝之政凡命夫

命婦不躬坐獄訟為治獄吏衰尊者也躬身也不凡王之同族者

有罪不即市鄭司農云刑諸甸師禮記曰刑于以五声聽獄求民

一曰辭聽現其出言二曰色聽現其顏色不三曰氣聽現其氣息

四曰耳聽現其聽聆五曰目聽現其眸子視以八辟麗邦法附刑

罰辟法也一曰議親之辟若今時宗室有二曰議故之辟故謂旧

三曰議賢之辟若今時廉吏有罪先請是也四曰議能之辟能謂有道

者議五曰議功之辟今若時吏墨綬有罪先請是也六曰議貴之辟爵位高者七曰議勤

之辟謂憔悴以國事八曰議賓之辟謂所不臣者三恪二代之後司刺掌三刺三省三

赦之法以贊司寇聽訟獄刺殺也訊而有罪則一刺曰訊群臣再

刺曰訊群吏三刺曰訊萬民也訊言一宥曰不識再宥曰過失三省

曰遺忘不識謂惡民無所失則宥之過失若今律過失殺人不坐死遺忘若問惟薄忘有在焉而以兵矢投射之

一赦曰幼弱再赦曰老耄曰蠢愚蠢愚生而癡騃童昏者幼弱老

上非手殺人以此三法者求民情斷民中而施上服下之罪然後

刑殺上服下服宮刑也凡囚上罪梏拳而桎中罪梏桎下罪梏王之

同族拳有爵者桎以侍弊罪械在手曰梏而同械曰拳在足曰桎

司刑掌五刑之法以麗萬民之罪墨罪五百劓罪五百宮罪五百

剕罪五百殺罪五百墨黥也先刻其面以墨室之劓截其鼻也宮

贖作引未死刑也書傳曰決閔梁踰城郭而略盜者其刑贖男女

不以義交者其刑宮觸易君命車輿服制度姦執盜穰傷人者其

刑劓非事而事之出入不以道義而誦不詳之辭者其刑墨其叛

寇賊劫畧奪掠矯虔者其刑此二千五百罪之目畧也其刑書則

士掌戮掌殺斬殺賊謀而搏之搏當為搏去凡殺其親者焚之殺

王之親者辜之焚燒也辜之言凡殺人者陪諸市陪謂斃之也妨付切墨者

使守門黥面之不劓者使守閔以其貌毀宮者使守內人道既絕

判者使守囿驅命禽獸無足可完者使守積完為不虧其体但居作也其

奴男子非入罪隸男女徒總女子入舂稿舂、人稿人也給此二

有爵者與七十者與未斃者皆不為奴有爵命謂士以上也斃毀

商禮記王制大罪有五而殺人為下逆天地者罪及五代誣鬼神

者四代逆人倫者罪及三代乱教化者罪及二代手殺人者罪止

其身又言析言破律乱名改作執左道以乱衆者殺作淫声造異服設怪伎奇器以蕩上心者殺行固而偽言偽而辯學非而博順非而澤以惑衆者殺假于鬼神時日卜筮以疑人者殺此四誅者不待時不以聽

穆王時呂侯為司寇作呂刑後為甫侯故惟呂命王享國百年

荒言呂侯見命為卿時穆王以享國百年耄乱荒忽穆王即度作位過四十矣言百年大期雖老而能用賢以揚名

刑以詰四方度時世所宜訓作贖刑以王曰若古有訓蚩尤惟始

作乱延及于平民順古有遺訓言蚩尤造始作乱惡化相易延罔及于良善之人九黎之君號曰蚩尤

不寇賊鴟義姦究奪攘矯虔平民化之無不相寇賊為鴟梟之義以相奪攘矯称上命若因有之乱之

苗民弗用灵制以刑惟作五雲之刑曰法三苗之君習蚩尤之惡不用善化民而將

以重罪惟為五雲之刑自謂得法蚩尤黃帝殺戮無辜爰始淫為所滅三苗帝堯所滅言異世同惡

劓則極厥三苗之主頑凶苦民敢行虐刑以殺戮無罪于是始越大為截人耳鼻極陰黥面以加無辜故曰五雲

茲麗刑并制罔差肆苗民于此施刑並制無罪無民丹胥漸泯泯

焚焚罔中于信以覆詛盟三苗之民賣于乱政起相漸化泯泯為乱焚焚同惡皆無中于信義以及背詛

盟之約霍威庶戮方告無辜于上帝鑒民罔有馨香德刑發聞惟

腥三苗霍政作威衆被戮者万万各告無罪于天天視苗皇帝哀

矜庶戮之無辜報霍以威遏絕苗民無世在下君帝堯也哀於衆被戮者之不辜乃

報為霍者以威誅遏絕苗民乃命重黎絕地天道罔有降格重即

即和堯命羲和也掌天地四時之官使人神不擾各得其序群后

之逮在下明、棊常鰥寡無盖群后諸侯之逮在下罔家以明、

掩皇帝清問下民鰥寡有肆于苗帝堯詳問民患皆有德畏惟威

德明惟明盖堯監苗民之見怨則又增修其德教行威乃命三后

則民畏服明賢則德人明所以無長名焉

恤功于民伯夷降典折民惟刑禹平水土主名山川稷降播種農

植嘉穀伯夷下典禮教民而斷以法禹治洪水山川無名者主名

三后成功惟殷于民各成其功惟盛于民士制百姓于刑之中以

教祇德言伯夷道民典禮斷之以法皋陶作士制百穆、在上明

明在下灼于四方罔不惟德之動堯行躬敬、在上三后之徒秉

四方故天下之士故乃明于刑之中率人于民棊彛天下皆動立

無不惟德之動于用刑之中正道道典獄非訖于威惟訖于富言光明主獄有威

以治于民輔成常教威惟絕于富世敬忌罔有擇言在身堯明典獄皆能敬其戒忌其

治貨賂不行惟克天德自作元命配享在下凡明于刑之中無擇言在身必是

惟克天德自作元命配享在下惟明能天德自為天命配享天意

在于天王曰嗟四方司政典獄非再惟作天収立政典獄謂諸侯

民乎言任今爾何監非時伯夷播刑之迪刑言當視伯夷布其今爾

重是汝何懲惟時苗民匪察于獄之麗其今汝何懲戒乎所德懲戒惟是

罔擇吉人覲于五刑之中惟時庶威奪貨言苗民死肯選擇善人

是眾為威震者任之以奪斷制五刑以亂無辜上帝不蠲降咎于

取人貨所以為亂苗苗氏任奪貨姦人斷制五刑以亂加苗民無辭于罰乃絕厥

苗無罪天不絜其所為故下咎罪謂誅之苗民無辭于罰乃絕厥

世言罪重死以辭于天罰故堯王曰嗚呼戒之哉念以伯氏為伯

父伯兄仲叔弟季弟幼子童孫皆聽朕言庶有格命父皆王同姓有

列者伯仲叔季順少長也舉同姓今爾罔不由慰日勸尔罔或戒

包異姓言不殊也所從我庶幾有至命今爾罔不由慰日勸尔罔或戒

不動今汝無不用安自居日當動之天齊于民俾戒一日非終惟

終在人天齊整于下民使戒為之一日行所非為尔尚敬逆天命

以奉戒一人雖畏勿畏雖休勿休汝當庶幾敬逆天命以奉戒一

敬畏雖見美勿自惟敬五刑以成三德一人有慶兆民賴之其寧

畏有德美

惟永先戒以勞謙之德次教以惟敬五刑以成剛柔正直之三德也天子有善則兆民頽之其乃安寧長久之道

王曰吁來有邦有土告尔祥刑吁嘆也善有國土諸侯在今尔安百姓汝以善用刑之道

姓何擇非人何敬非刑何度非及在今汝安百姓兆民之道當何所擇非為吉人乎當何所敬非

惟五刑乎當何所度兩造具備師聽五辭兩謂四微造至也兩至非惟及世輕重所宜

五刑五辭簡備正于五刑五辭簡核信有罪驗則正之于五刑

不簡核謂不應五刑當五罰不服正于五過不服不應罰也止于五過從赦免

五過之疵惟官惟反惟內惟貨惟來五過之所病或嘗同官位或詐及因辭或內親用事或行

過枉法或旧相其罪惟均其審克之以病所在出入人罪使在五往來皆病所在

清察能使五刑之疑有赦五罰之疑有赦其審克之刑罪過與在凡法者同其當

免其當清察簡孚有衆惟貌有稽簡核誠信有合衆心惟察其能得其理

簡不從具嚴天威無簡核信誠不聽理其獄皆當嚴敬天威

疑赦其罪百鍰閱實其罪刻其類而涅之曰墨刑疑則赦從罰六兩曰鍰

相剗辟疑赦其罰惟倍閱實其罪截鼻曰剗刑倍百剗辟疑赦

其罰倍差閱實其罪刑足曰剗倍差謂倍差

鍰閱實其罪宮淫刑也男子剗勢婦人幽閉次死之

罰十鍰閱實其罪死刑也五刑疑各入罰不

屬千剗罰之屬五百宮罰之屬三百大辟之罰其屬二百五刑之

屬三千別言罰屬合言刑屬明比罰同

不行上下比其罪先听僭乱之辭

惟察惟法其審克之惟當清

上刑適輕下服重刑有可以虧減

下刑適重上服輕重諸罰有推

齊非齊有倫有要一人有二罪則之重而輕并數

用重典刑平國用中典凡刑所罰懲非死人極于病刑罰所以懲

以齊非齊各有倫理有要害使惡人極于病非佞折獄惟良折獄罔非在中非口才可以折獄

苦莫敢犯者察辭于差非從惟察其偽辭惟從其本情非哀敬折獄明

中正啓書胥占

咸庶中正當憐下人之犯法敬斷獄之害人明開刑書相與占之

其刑其罰其審克之其所刑其所罰其當詳獄成而孚輸而孚斷

成辭而信當輸汝信其刑上備有并兩刑皆當備具有并兩刑亦具

亦具王曰嗚呼敬之哉官伯族姓朕言多惧敬之哉言使敬刑官

姓也我言多可戒朕敬于刑有德惟刑我敬于刑當當使今天相

民作配在下明清于單辭今天治民人君配天在下當清審民之

亂罔不中所獄之兩辭民之所以治所典獄言无不以中止由獄

無或私家于獄之兩辭典獄死敢有受貨听詐成獄貨非寶惟府

辜功報以庶尤受獄貨非家室也惟聚罪永畏惟罰非天不中惟

人在命當長快畏惟為天所罰非天道不中惟人天罰不極庶民

罔有令政在于天下天道罰不中今衆民无有善政在于王曰嗚

呼嗣孫今往何監非德于民之中尚明听之哉嗣孫諸侯嗣世子

往當何監視非立當德于民哲人無刑無疆之辭属于五

為之中乎庶幾明听我言而行之哉哲人無刑無疆之辭属于五

極咸中有慶言智人惟用刑乃有死窮之善辭者名聞于後世以

受王嘉師監于茲祥刑有邦有土受王之善衆而治之者視于此

楚文王作僕區之法曰盜所隱器與盜同罪

鄭簡公時子產相鄭鑄刑書鑄刑治其後大夫鄧析改鄭所鑄旧

制造刑法書之于竹簡

晉趙鞅荀寅帥城汝濱逐賦晉國一鼓鐵以鑄刑鼎今晉國各出功力共

鼓石為鐵計令一鼓而足 因軍役而為之 著范宣子所為刑書焉

秦文公二十年法初有三族之罪父母兄弟妻子也一云父族母族妻族也

孝公初衛鞅請變法令人為什伍而相牧司連坐不告姦者腰斬

告姦者與斬敵首同賞匿姦者與降敵同罰為私鬪者各以輕重

被刑

始皇三十四年適治獄吏不直者築長城及南越地

漢高祖初為沛公入咸陽召諸豪傑曰父老苦秦苛法久矣誹謗

者族耦語者棄市吾與諸侯約先入關者王之吾當王關中與父

老約法三章殺人者死傷人及盜抵罪傷人有曲直盜賊有少故言抵抵者至也當也

蠲削秦法兆人大悅然大辟尚有三族之誅先黥劓斬左右趾答

殺之梟其首殖其骨肉于市殖為醢 其誹謗詈又先斷舌故謂之

具五刑其後四夷來附兵革未息三章之法不足以禦姦禦止于也

是相國肖何攬撫秦法攬音九問切撫音之石切謂收拾也 取其宜于時者作律九

章

七年春令郎中有罪形而上謂請之輕罪不至於髡完其形髡故曰形字從形髡膚之意也青

若熊又音而 又音乃代切

是年制詔諭吏獄疑者吏或不敢有罪者久而不論無罪者久繫

不決自今已來縣道官獄疑者各讞所屬二千石官二千石官以

其罪名當報當處謂斷也 所不能者皆移廷尉廷尉亦當報之廷尉所

不能決謹具為奏傳所比律令以聞傳讀曰附

惠帝元年制曰爵五大夫吏六百石以上及官皇帝而知名者有

罪當盜械者皆頌繫

宦皇帝而知名者謂雖非五大夫爵六百石吏而早事惠帝時為所知者盜械凡有罪者

械皆得稱焉山海經云二員之臣相折之尸皆云盜械其義是也頌與名同

上造以上及内外公孫耳孫有罪當刑其當城旦春者皆形為鬼

新白粲

上造爵滿十六者也内外公孫謂王侯内外孫也耳孫者有骨肉屬施德而惠故事從其輕也城旦者朝起行理戡春者婦人不叅非徭但春作未皆四歲刑也今皆就鬼薪白粲鬼薪聚薪給宗廟白粲坐擇未皆使正白人年七十以上若不滿十歲有罪皆三歲刑也

當者完之

不加内刑髡髡剝也髡音佗切謂七十以上及不滿十歲以下皆完之也

法令妨吏民者除挾書律

挾藏也秦敢有挾書者族

呂后元年正月詔曰前者孝惠皇帝言欲除三族罪妖言令議未

决今除之

文帝元年十二月詔丞相大尉御史曰犯法者治之正所以禁暴

而衛善人今犯法者已論而使无罪之父母妻子同產坐之及為

收帑朕甚弗取其議左右丞相周勃陳平奏言父母妻子同產相

坐及收所以累其心使重犯法

重難也累收音勿瑞切

之愚計以為如其故便帝復曰朕聞之法正則民慤罪當則民從

慤謹也

且夫牧民而道之以善者吏也既不能道又以不正之法

罪之是法反害于民為暴者也

法害于人朕未見其便宜熟計之

平勃乃曰陛下幸加大惠于天下使有罪不收无罪不相坐甚盛

德臣等所不及也臣等謹奉詔尽除收律相坐法

後新坦平謀為逆復行三族之

誅二年五月詔曰古之治天下朝有進善之旌

旌捕也堯設之五達之道令民進善

也誹謗之木

橋梁邊板所以書所以通治道而來諫者令法有誹

謗妖言之罪

妖与妖同高后元年詔除妖言之令此又又言妖言之罪是則中間曾重復疑設此條也

是使衆臣不敢尽情而上无由聞過失也將何以來遠方之賢良
其餘之民或祝詛上以相約而後相謾謾欺也初為要約共行祝詛後相其誑中道而止无

實事也謾音慢又音莫連切吏以為大逆其有他言吏又以為誹謗此細民之

愚死知抵死朕甚不取自今以來有犯此者勿听治

五年四月除盜鑄錢令听于民鑄也

十三年太倉公淳于意以刑罰當傳于西之長安意有五女隨而

泣意怒罵曰生子不生男緩急于可使者少女緹索傷父之言乃

隨父西上書曰妾父為吏齊中称其廉平今坐法當刑妾切痛死

者不能復生而刑者不可再續一作續欲改過自新其道莫由終不

可得妾願入身為官婢以贖父刑罪使改行自新也書聞帝悲其

意歲中下令曰制誥御史盖聞有虞氏之時畫衣冠異章服以為

戮而民勿犯何治之至也今法有肉刑黥劓二刑左右趾合一凡三也

而姦不止其咎安在非乃朕德之薄而教不明與與讀作欬吾甚自

愧故夫訓導不絕而愚民陷焉道讀詩曰愷悌君子民之父母今日導

人有過教未施而刑已加焉或欲改行為善而道亡繇至繇讀与由同

朕甚憐之夫刑至断肢体刻肌膚終身不息息生也何由其行之痛

而不德也豈為民父母之意哉其餘肉刑有以易之及令罪人各

以輕重不亡逃者有年而免其不亡逃者滿其年具為令使更為條制

丞相張倉御史大夫敬馮奏言肉刑所以禁姦所由来者久矣陛

下下明詔憐萬民之一有過必刑刑者終身心息及罪人欲改行

為善而道亡繇至于盛德臣等所不及也臣謹議諸定律曰諸當

完為城旦春文帝除肉刑皆有以易之故以完易髡以笞代劓以右止代今則髡曰完矣不復云以完代髡也此當言

髡者完也當黥者髡鉗為城旦春當劓者笞三十斬左止者笞五百當

斬右止者及殺人先自告及吏坐受賄枉法守縣官財物而即盜

之已論命復有籍笞罪者皆棄市止足也當罪人獄已決完為城

旦春滿三歲為鬼薪白粲一歲為隸臣妾一歲免為廢人男子為

子為隸鬼粲白粲滿三歲為隸臣一歲隸臣妾滿二歲為司寇一

歲及作如司寇二歲皆免為廢人罪降為司寇故一歲其亡逃及

有耐罪以上不用此令前令之刑城旦春歲數以免于本罪中又

謂文帝作此有刑者臣昧死謂制曰可是後外有輕刑之名內實殺人斬右止

者又當死斬左止者笞五百劓者笞三百率多死斬左止者棄市

故人多死以笞五百代斬左止笞三百代劓笞數既多不活也

景帝元年七月詔曰吏受所監臨以飲食免重受財物賤買賣

論輕帝以為當時律條受所監臨賂以酒食即坐免官爵于法大

之廷尉與丞相更議著令著音著作之廷尉信勤與丞相議曰丞

中屠嘉吏乃諸有秩受其官屬所監所治所行所將行謂按察也

其與飲食計償費弗論也物若買故賤賣故貴皆坐贓為盜論沒

入贓縣官吏廷徒免罪受其故官屬所將監治送財物奪爵為士

伍免之无爵罰金二斤令沒入所受有能捕告卑其所受贓

是年詔曰加笞重罪无異重罪謂幸而不死不可為人其定律笞

五百曰三百笞三百曰二百

中二年二月改磔曰棄市先謂諸死刑皆磔于市今改曰棄市自

非妖逆不復磔也謂磔其尸也棄市杀之于市也謂之棄市者刑取人于市勿復磔

五年九月詔曰法令度量所以禁暴止邪也獄人之大命死者不

可復生吏或不奉法令以貨賂為市朋黨比周比音頻以苛為察

以明為明令亡罪者失朕朕甚憐朕常也失其常理也有罪者不伏罪姦法

為暴甚亡謂也招諸獄疑若雖文致于法而于人心不厭者輒讞

之厭服也音一瞻切讞平議也音魚列切

六年十二月定鑄錢偽黃金棄市律文帝五年听民放鑄律尚未除先時作多偽金偽金終不

可成而徒損費轉相誣耀另則起為盜賊故定其律也

五月詔曰惟酷吏奉憲失中加笞者或至死而笞未畢朕甚憐之

其減笞三百曰二百曰一百又笞者所以教之也其定箠令箠策也

以擊者也音止藥切丞相劉舍御史大夫衛綰請笞者箠長五尺其本大一

寸其竹也末薄半寸皆平其節當笞者笞臂然則先時笞背也臂音徒門切毋

得更人謂行笞者不更易人也畢一罪乃更人自是笞者得全然酷吏猶以

為威死刑既重又生刑又輕民易犯之

後元年正月詔曰獄重事也人有智愚官有上下獄疑者讞有司

有司所不能決移廷尉有令讞而後不當讞者不為失假令讞訖其理不當

所讞之人不為罪矣

三年詔曰高年老長人所尊敬也鰥寡不屬建人所哀憐也屬音

切其著令年八十以上八歲以下及孕者未乳乳產也音人喻切師諸儒

師樂師育瞽者未當鞠繫者頌繫之不桎梏頌讀曰谷寬容之死罪欲腐

之者詳之

武帝元朔初令中大夫張湯趙禹條定法令作見知故縱監臨部

主之法見之人犯法不告為故縱而所監臨部主有罪並連坐緩

深故之罪故入人罪者皆寬緩之急縱出之誅吏釋罪人疑以為縱出則急深之律令凡三

百五十九章大辟四百九條千八百十二事死罪決罪比万三千

四百七十二事比以例 相比况

宣帝地節四年五月詔曰父子之親夫婦之道天性也雖有患禍猶蒙死而存之誠愛結於心仁厚之至也豈能遠之哉自今子首匿父母妻匿夫孫匿大父母皆物坐其父母匿孫罪殊死皆上請廷尉以聞

元康四年正月詔曰朕惟耆老之人髮齒隨落血氣衰微亦亡暴雲之心今或罹文法拘執囹圄不終天命朕甚憐之自今以來諸年八十以上非誣告殺傷人佗皆勿坐

元帝初即位下詔曰夫法令者所以抑暴扶弱欲其難犯而易避也今律凡多而不約自典文者不能分明而欲羅元元之不逮羅網

也不逮言意 識所不及斯豈刑中之意哉其議律令可蠲除輕減者條奏惟在便安萬姓而已

初元五年省刑罰七十餘條又徐光祿大夫以下至郎中保父母同產之令舊時相保一人有過皆當坐之時為郎中以 上除此令者所以仁之也同產謂兄弟也

成帝和平中詔曰甫刑云五刑之屬三千大辟之罰其屬三百今大辟之刑千有餘條律令煩多百有於萬言奇請它比日以益滋奇請謂常文之外主者別有所請以定罪也佗 比謂引類以比附之稍習律條也奇音居直切自明習者不知所

由也由也欲以曉喻衆庶不以難乎於以羅元元之民夫絕亡辜豈不哀哉其與中二千石二千石博仕習明律令者議減死刑及可

蠲除約省者令較然易知條奏書不云乎惟刑之恤哉其審核之務準古法朕將盡心覽焉時有司不能立明制為一代之法但奉毫末毛數以塞詔而已

鴻嘉元年定今年未滿七歲賊闖殺人及犯殊死者上請廷尉以聞得減死

哀帝以緩和二年四月即位六月詔除誹謗詆欺法誆音丁礼切誣也

建平元年盡四年輕殊死者刑八十一事其四十二事手殺人皆

減死罪一等着為常法

平帝以元壽二年六月即位九月詔曰夫赦令者將與天下更始

誠欲令百姓改行潔己全其性命也往者有司多奉奏赦前事累

增罪過誅陷亡辜殆非重信慎刑灑心自新之意也灑滌也音先礼切及

選奉者其歷職更事有名之士則以為難保更音工衡切廢而弗奉甚

謬於赦小過奉賢才之議諸有賍及內惡未發而薦奉者皆勿案

驗有賍謂以賍貨致罪令士厲精卿進卿諱曰窩不以小疵妨大材自今以來有

司無得陳赦前事置奏上有不如詔書為虧恩以不道論定著令

布告天下使明知之

元始四年詔曰蓋夫婦正則父子親人倫定矣前詔有司復貞婦

婦女徒復音方日切誠欲以防邪辟辟讀曰僻全貞信及耗悼之人耗目莫報切

刑罰所不加聖王之所制也惟苛暴吏多拘繫犯法者親屬婦女

老弱構怨傷化百姓苦之其明敕百姓婦女非身犯法及男子年

八十以上七歲以下家非坐不道詔所名捕它皆無得繫其當驗

者即驗問就其所居而問定著令

後漢光武建武三年詔曰吏不滿六百石下至墨綬長相有罪先

請續漢志曰縣大者置令一人千石其次置長四百石小者三百石侯國之相亦如之皆掌理人並秦置男子八十

以上十歲以下及婦人從坐者自非不道詔所名捕皆不得繫詔書

有名而時捕者當驗問者即就驗女徒雇山歸家前書音義日令甲女子

雇人於山伐木名曰雇山

十一年二月己卯詔曰天地之性人為貴其殺奴婢不得減罪八

月癸亥詔曰敢炙灼奴婢論如律免所炙灼者為庶民

十月壬午詔除奴婢射傷人棄市律

十二年十二月詔邊吏力不足戰則守追虜料敵不拘以逼留法

逼是曲行避敵也漢法軍行逼留畏怯者斬追虜或逐或遠量敵進退不拘以軍法直取勝為務也遠古住字

十八年四月詔曰今邊郡盜谷五十斛罪至于死開殘吏妄殺之

踏其蠲除此法同之郡內

二十四年七月詔有申司明舊制阿附蕃王法武帝時有淮南衡山之謀作左官之

律設附益之法前書音義曰人道尚左言捨天子仕諸侯為左官左僻也阿曲附益王侯者將有重法是為旧制令更申明之

章帝建初元年鮑昱為司徒是時辭訟久者至十數年比例輕重非其事類

錯雜唯知豈奏定辭訟七卷決事都自八卷齊同法令息過人訟

七年九月詔天下繫囚減死一等勿笞詣边戍妻子自随占者所

在父母同產欲相從者恣听之有不到者皆以之軍兵論

元和元年七月丁未詔曰律云掠者唯得榜笞立榜笞擊也榜立

彭謂立而考訊

之又令丙筥長短有數令丙為篇之次也今有先後以令甲令乙

寸其平去節故云長短有數也自往者大獄已來掠考多酷鉗鑽之屬慘苦無極

念其痛毒怵然動心書曰鞭作官刑豈云若此宜及秋冬理獄明

為其禁帝初即位尚書陳寵上疏乞改前世苛俗輕薄筥楚以濟

郡生金廣至德以奉天心帝納寵言每事務於寬厚至是遂詔有

司絕鉗鑽慘酷之科蒼頡篇日鉗持也說文日鉗持也說文日鉗鐵鉞也其炎印誣音陟葉切鑽鑽刑謂鑽去

其体骨也鑽解妖惡之除文致之請讞五十餘事定著于令
音作喚切

十二月詔曰書云父不慈子不祗兄不友弟不恭不相及也往者妖言大獄所及廣遠一人犯罪禁止三屬莫得垂纓仕官至朝如

有賢才而沒齒無用朕甚怜之非所謂與之更始也諸以前妖惡禁錮者一皆觸除之以明棄咎之路但不得在宿衛而已

二年七月庚子詔曰春秋於春每月書王者重三正慎三微也律十二月立春不以報因報猶論也立春陽氣至月令冬至之後有

順陽助生之文月令仲冬是月也日短生陰陽事諸生蕩而無鞫獄斷刑之政朕咨訪儒雅稽之典籍以為王者生殺宜順時氣其

定律以十二月十一月報因
新刊監本用府元龜卷之六百九

新刊監本冊府元龜卷之六百十

刑法部
定律令第二

後漢和帝永元十五年年初令郡國以日北至按薄刑而州郡好

以苛察為政因此盛夏斷獄鄧太后臨朝以章帝詔斷獄皆在

冬至前自後論者互多駭異故詔公卿以下會議司徒魯恭議

奏曰夫陰陽之氣相扶而行發動用事各有時節若不當其時

則物隨而傷王者雖質文不同而茲道無變四時之政行之若

一月令周世所造而所據者皆夏之時也其變者惟正朔服色

犧牲徽號器械而已故曰殷因於夏禮周因於殷禮所損益可

知也易曰潛龍勿用言十一月十二月陽氣潛藏未得用事雖

煦噓萬物養其根莖而猶盛陰在上地凍水冰陽氣否隔閉而成冬故曰履霜堅冰陰始凝也馴致其道至堅冰也言五月微陰始起至十一月堅冰至也夫王者之作因時為法孝章皇帝深惟古人之道助三正之微定律著令冀承天心順物性命以致時雍然後變改以來年歲不熟穀價常貴人不安寧小吏不與國同心者率入十一月得死罪賊不問曲直便格殺雖有疑罪不復讞正一夫吁嗟王道虧損况於衆乎易十一月君子以議獄緩死可令疑罪使詳其法大辟之科盡冬月乃斷其立春在十二月申者勿以報囚如故事後卒施行

安帝永初元年玖月詔曰自今長吏被考竟未報考謂考問其狀也報謂報也自非父母喪無故輒去職者劇縣十歲平縣五歲以上乃待

次用是時陳忠為尚書自以世典刑法用心務在寬詳初父寵在廷尉上除漢法溢於甫刑者未施行上音時掌切及寵免後遂寢

而苛法稍繁人不堪之忠畧依寵意奏上二十三條為決事比

此列也必寢也以省請讞之弊又上除蠶室刑解減吏三世禁錮狂易

殺人得減重論母子兄弟相代死聽赦所代者事皆施行

元初二年十月詔吏人聚為盜賊有悔過者除其罪

冲帝以建康元年八月即位十一月令郡國中都官繫囚減死一等徒邊謀反大逆不用此令

桓帝建和元年四月壬辰詔州郡不得迫脅驅逐長吏贓滿三十万而不糾舉者刺吏二千石以縱避為罪若有擅相假印綬者與殺人同棄市論

文帝光和元年太中大夫橋玄就醫里舍玄少子十歲獨遊門
次卒有三人持仗劫執之入舍登樓就玄求貨玄不與有頃司
隸校尉陽球等恐并杀其子未欲迫之玄填目呼曰姦人無狀
玄豈以一子之命而縱國賊乎促令兵進於是攻之玄子亦死
玄乃請闕謝罪乞下天下凡有劫質皆并赦之不得贖以財室
開張紆詔書下其章初自安帝以後法禁稍弛京師劫質不
避豪貴自是遂絕

獻帝建安元年大山太守應邵定律令以為漢儀表奏之曰
夫國之大事莫尚載籍者也決嫌疑明是非賞刑之宜允獲厥
中俾後之人永有監焉故膠東相董仲舒老病致仕朝廷每有
政議數遣廷尉張湯親至陋巷問其得失於是作春秋折獄二

百三十二事勤以經對言之詳矣逆臣董卓蕩覆王室典憲焚
燎靡有孑遺開闢以來莫或茲酷今大駕東邁巡省許都拔山
險難其命惟新臣累世受恩榮祚豐衍切不自撥輒撰具律令
章句尚書旧事廷尉板令決事比例司徒都目五遭詔書臣欽
若等

曰司徒都目鮑魚昱所作也五曹
謂常侍二千石戶曹主客三公也及春秋折獄凡二百五十篇
蠲去復重為之節文復重復重
直容切又集議駁三十篇以類相從凡

八十二事其見漢書二十五漢記四既東
現記皆刪叙潤色以全本
躰其二十六博採古今瓌瑋之士義德可觀其二十七臣所創
造左氏云雖有姬姜不棄樵悴雖有絲麻不棄菅蒯蓋所以代
匱也是用敢露頑才廁于明哲之末雖未足綱紀國体宣洽時
雍庶幾觀察增闡聖德惟因萬幾之餘暇遊意省覽帝善之於

是旧事存焉

魏太祖既建魏國以鍾繇為廷尉始聽君父已沒臣子得為理

魏太祖既建魏國以鍾繇為廷尉始聽君父已沒臣子得為理

謗又士為候其妻不復配嫁繇所創也又定甲子科犯鈇左右

趾者易以斗械是時之鐵故易以木為又嫌漢律令太重故令

依律論者聽得科半使從半減也先是建安初天下將亂百姓

惡於是名儒大才故遼東太守崔寔太司農鄭玄鴻臚陳紀之

徒咸以為宜復行肉刑漢朝既示議其事故無所用矣及太祖

輔政尚書荀彧博訪百官復欲申之而少府孔融議以為古者

敦宥善否區別吏端刑清政無過失百姓有罪皆宥取之來世

陵遲風俗壞亂政撓其俗法害其教故曰上失其道人散久矣

而欲繩之以古刑投之以殘棄非謂與時消息者也紂斲朝涉

之脛天下謂為無道夫九牧之地千八百君各別一人是天下

常有千八百紂也求世休和弗可得矣且被刑之人慮不念生

志在思死類多趨惡莫復歸正風沙亂奔伊戾禍來趙高吳布

為世大患不能上人遂為非也雖忠如鬻拳信如卞和智如孫

臯寃如巷伯才如史迂達如子政一罹刀鋸沒世不蔭是太甲

之思痛穆公之霸秦楊湯之都賴魏尚臨邛無所復施也漢開

朝之制遂寢不行

改惡之跡凡為此也明德之君遠度深推棄短就長不苟革其

政者也朝廷善之卒不改焉及魏國建陳紀子群時為御史中

丞太祖下令又欲復之使群申其父論群深陳其便時鍾繇為

相固亦贊成之而奉帝王修不同其議太祖亦唯以藩國改漢

文帝黃初元年既受漢禪又議肉刑未定後有大女劉朱梔子

婦酷暴前復三婦自殺論朱減死輸作尚方因是下怨毒殺人

減死之令

四年正月詔曰喪亂以來兵革未戢天下之人互相殘殺今海

內初定敢有私復讎者皆族之

五年正月初令謀反大逆乃得相告其餘皆勿听治敢妄相告

以其罪罪之

明帝清龍二年二月詔曰鞭作官刑所以糾慢怠也而頃多以

無辜死其減鞭杖之制著于令

十二月詔有司刪定大辟減死罪又改士庶罰金之令男所以

罰金婦人加笞還從鞭督之例以其形体裸露故也是時丞相

其文起自魏文侯李悝撰以諸國法著法經以為者之政莫

急於盜賊故其律始於盜賊盜賊須刻捕故著網捕二篇其輕

狡越城博虧惜假不廡淫侈踰制以為雜律一篇又以其律具

其加減是故所著六篇而已然皆罪名之制也商君受之以相

秦漢承秦制省何定律除參夷連坐之罪增部主見知之條益

事律與廩戶二篇合為九篇叔孫通益律所不及傍章十八篇

張湯越官律二十七篇趙禹朝律六篇合六十篇又漢時決事

為令甲以下三百餘篇及司徒鮑昱撰嫁娶辭訟決為法比都

目凡九百六卷世有增損率皆集類為篇結事為章一章之中

或事過事十事類雖同輕重乖異而通條連句上下相蒙雖文

理異篇實相探入盜律有賊傷之例賊律有盜章之文吳律有

上獄之法廩律有逮捕之事若此之比錯揉無帝後人生意各

為章句叔孫宣郭令鄉馬融却玄諸儒章句十有餘家家教十

篇方言凡斷罪所當由用者合二萬六千二百七十一條七百

七十萬二千二百餘言言數益繁覽者益難天子於是下詔

但得用鄭氏章句不得雜用余家衛覬又奏曰刑法者國家之

所貴重而私議之所輕賤獄吏者百姓之所懸命而選用者之

所卑下王政之弊未必不由此也請署律博士轉相教授事遂

施行然而律文煩廣事比重多離本依未決獄之吏如廷尉獄

吏范洪受囚縮二丈附輕法論之獄吏劉象受屬偏考囚張茂

物故附重法論之洪象雖皆棄市而輕枉者相繼是時太常鍾

繇又上疏求復肉刑詔曰其奏司徒王即議之又不同時議者

百余人與即同者多帝以吳蜀未平又寢其後天子又下詔改

定刑制命司徒陳群散騎常侍劉邵給事黃門侍郎韓遜議即

度是中即黃休荀詵等刑約曰科傍采漢律定為魏法制新律

十八篇州郡令四十五篇尚書官令軍中令合百八十余篇其

序畧曰律所難知者由於六篇、少故也篇少則文荒文荒

則事寡事寡則罪陋是以後人稍增更與本體相背令制新律

宜都總事類多其篇條律因秦法經就增三篇而具律不移

因在第六罪條例既不在始又不在終非篇章之義故集罪例

以為刑名寇於律首盜律有劫畧恐得和賣買人科有得質皆

非盜事故分以為劫畧律賊律有欺謾詐偽踰封矯制因律有

詐偽生事死令丙有詐自復免事類中多故分為詐律賊律有

賊伐樹木杀伤人畜產及諸亡印金布律有毀傷亡失縣官財

物故分為毀亡律有告劾傳覆廐律有律之建受科有登聞道

碎故分為告劾律因律有繫囚鞠獄斷告反法與律有上獄之

事科有考事報讞宜別為篇故分為繫訊斷獄律盜律有受所

監臨財在法雜律有假借不廉令乙有呵人受錢科有使者驗

賂其事相類故分請才律盜律有勃辱強盜與擅律有征徭稽留
具律有出賣呈科有擅作修舍事故分爲與擅律有征徭稽留
賊律儲峙不辯廩律有乏軍之與及舊典有奉詔不謹不承用
詔書漢氏施行有小愆之反不如令輒劾以不承用詔書之軍
要斬又減以丁酉詔書漢明所下不宜復以爲法故別爲之留
律秦世廩置乘傳副車食厨漢初承秦不改後以費廣稍省故
後漢但設騎置無車馬而律其文則爲虛設故除廩律取其可
用合科者爲郵驛令其告及逮驗別入告劾律上言變事以爲
變事令以驚事告急於與律烽燧及科今者以爲驚事律盜
律有迂賊昇主金布律有罰贖入責以呈黃金質爲科有平庸
坐賊事以爲償贖律律之初制無免坐之文張湯趙禹始作監
臨部主見知故縱之例其見知而故不牽劾合同與罪失不牽
効各以贖論其不見不知不坐也是以文約而例通科之爲制
每條有違科不覺不知從坐之免不復又別而免坐繫多宜摠
爲免例以省科文故更制定其由例以爲免坐律諸律令中有
其教制本條無從坐之文者皆從此取法也凡所定增十三篇
就故五篇合十八篇於正律九篇爲增於旁草科令爲者以改
漢旧律不行於魏者取之更依古義制爲五刑其死有三髡刑
有四完刑作刑名三贖刑十一罰金六雜抵罪七凡三十七名
以爲律首又改贓律但以言語及犯宗廟因陵謂之大逆无道
要斬家屬從坐不及祖父母孫至於謀反大逆臨事時補之或
汙猪或梟值夷其三族不在律令所以嚴絕惡跡也贓開殺人
以効而亡許依古義听子弟得追殺之會赦及過誤相殺不得
報因所以止未害也止未繼母與親母同防繼假之隙也除異
徒誣告人反罪及親屬異於善人所以累之使者刑息誣也改
投書棄市之科所以輕刑也正篡因棄市之罪斷凶強爲義之
縱也二歲刑以上除俗家人乞鞠之制省所煩獄也改諸郡不
得自擇伏日所以齊風也斯皆魏亡所改其大畧如是其後正
始之間天下无事於是征西將軍夏侯玄河南尹李勝中領軍
曹義尚書丁謚又追
議肉刑卒不能決

蜀先主既定成都令招文將軍伊籍與諸葛亮法正刘巴李嚴
共追蜀科蜀科之制由此五人爲

吳大帝黃武七年將軍翟舟叛如魏帝恐諸將畏罪而了乃下
令曰自今諸將有重罪三然後議

嘉禾六年正月詔曰夫三年之喪天下之達制人情之極痛也
賢者割哀以從礼不肖者勉而致之世治道泰上下無事君子

不奪人情故三年不逮孝行之門至於有事則殺禮以從宜要
經而處事故聖人制法有禮無時則不行遭喪不奔非古也蓋隨
時之宜以斷義思也前古設科長吏在官當須交代而故犯之
雖隨科坐猶已廢曠方事之殷國家多難凡在官司宜各盡節
先公私後而不恭承甚非謂也中外郡僚其更平議務令得中
詳為節度顧譚議以為奔喪立科輕則不足以禁孝子之情重
則本非應死之罪雖嚴刑益設違奪必少若偶有犯者加其刑
則恐所不忍有減則法廢不行愚以為長吏在遠苟不告語勢
不得知比選代之間若有傳者必加大辟則長吏無廢職之負
孝子無犯重之罪將軍胡綜議以為喪紀之禮雖有典制苟無
其時所不得行方今我事軍國異容而長吏遭喪知有科禁公
敢干突苟念聞憂不奔之耻不計為臣犯禁之罪此由科防本
輕所致忠節在國孝道立家出身為臣焉得兼之故為忠臣不
得為孝子宜定科文示以大辟若故為犯有罪無赦以殺止殺
行之一人其後必絕丞相雍奏從大辟

晉武帝泰始三年賈克等上律令六十卷故事三十卷四年班

行之

先是文帝為魏相國惠前代律令本注煩雜陳群刊即雖
更改革而科網本密又叔孫鄭馬社諸儒章句但取鄭氏

又為偏黨未可承用於是令賈克定法律令與太傅鄭冲司徒
荀顛中書監荀勗中軍將軍羊佑中護軍王業廷尉任友守河
南尹社預散騎侍郎裴楷潁川太守周雄齊相郭傾騎都尉成
公綏尚書郎柳綽及吏部郎令史榮邵等十四人典其事就漢
九章增十篇仍有類正其体号改旧律為刑名法例辨囚律為
告劾繫訐斷獄分盜律為請賊詐偽水火毀亡囚事類為衛宮
違制撰周官為諸侯律合二十篇六百二十條二萬七千六百
五十七言蠲其苛穢存其清約事從中央歸于益時其餘未宜
除者若軍事田農酤酒未得皆從人心推其法太平當除故不
入徃悉以為令施行制度以此設教違令有罪則入律其常事

品式章程各還其府為故事減臬斬族議徒坐之條除謀反適
養母出女嫁皆不復還生父母棄市者首禁固相告之條去捕
亡亡沒為官奴婢之制輕過誤老小女人當罰金杖罰者皆令
半之重伯叔姆之令棄市淫寡女三歲刑崇嫁娶之要一以下
嫂為正不理私約峻禮教之淮防五服以制罪也凡律令合二
千九百二十六條十二萬六千三百言六十卷故事三十卷泰
始三年事畢表上武帝詔曰昔肖何以定律令受封叔孫通制
儀為奉常賜金五百介弟子百人皆為郎中夫立功立事古今
之重所宜加祿賞其詳考羗叙輒如詔簡異弟子百人隨才品
用賞帛万余匹帝親自臨講使裴楷執讀明年正月大赦天下
乃頒新律其後明法掾張裴注律上表之其要曰律始于刑名
者所以定罪制也終于諸侯者所以異其政也王政布于上諸
侯奉于下禮樂抚于中故有三才之義為其相頡而成若一體
為刑名所以經畧法罪之輕重正加減之等差名發中篇之多
羨補其章條之不足較奉上下網領其犯盜賊詐偽請賊者則
未獲于此作沒水火畜養守備之細事皆才之作本名告訊為
之心古捕繫為之手足斷獄為之定罪名例為之齊其制自始
及終往而不窮變動无常周流四及上下无方不離于法律之
中也其知而犯之謂之故意以為然謂失之違忠欺上謂之慢
借言藏巧謂之詐偽虧禮廢節謂之不敬而訟相趣謂之鬪兩
和相害謂之虧无變斬孽謂之賊不意誤犯謂之過失逆節絕
埋謂之不道陵上倖貴謂之惡逆將害未發謂之戕唱首先言

謂之造意二人對謀謂之謀制中建計謂之率不和謂之強改
惡謂之畧三人謂之群取非其物謂之盜貨財之利謂之贓凡
三十者律皆羨之較者也夫律者當慎其變審其若不承用詔
書夫故失之刑當徒贖謀反之同伍寔不知情刑此故失
之變也早与尊鬪皆冒賊鬪之加兵刃水火中不得為戲戲之
重也向人室廬道經射不得為過失之禁也都城人車中走馬
殺人當為賊之似也過失似賊戲似鬪而杀傷傍人又
以為誤盜傷縛守以強盜呵人取財似受賂因辞所連似告劾
諸勿听理似故縱持負似恐傷揭如此之比皆為无常之格也
五刑不簡正于五罰五罰不服正于五過意善功惡以金贖之
故律制生罪不過十四等死刑不過三徒加不過六囚加不過
五累作不過十一歲累答不過千一百刑等不過一歲金等不過四兩月贖不
計日日作不俱月岁數不疑閔不以加至死并死不復加不可累者故有并數乃累
其加以加論者但得其加与加同者連得其本不在次者不以通論以人得罪
与人同以法得罪与法同侵生害死不可齊其系疏公私不可常其教化礼樂
崇于上故降其刑法闕于下故全其法是故尊卑叙仁羨明九族亲王道
平也律有事狀相似而罪名相涉者若加為勢下手取財為強盜不自知亡為
縛守將中有惡言為恐喝不以罪名呵為呵人以罪名呵受為賂刻召其財
為持墳此八者以威勢得財而名殊者也即不求自与為受求所監求而後
取為盜賊輸入呵受為留難歛人財物積藏于官為擅賊加歐繫之為戕
辱諸如此類皆為以威勢得財而罪相似者也夫刑者司理之
官理者求情之機情者心神之使心惑則情動于中而形之言

暢于四肢發于事業是故姦人心愧而面赤內佈而色奪命罪首務本其心審其情精其事逝取諸身遠取諸物然後乃可以立刑仰手似乞俯手似奪捧手似謝擬手似訴拱臂似自首攘臂似格鬪矜莊似威怡悅似福喜怒憂懼免在声色弱真猛姦侯在視息出口有言當為告下手有禁當為賊喜于杀怒子當為戲怒子杀喜子當為賊諸如此類自非至諸不能極其理也律之名例非正文而介明也若八十非杀傷人他皆勿論即誣告謀反者反坐十岁不得共言人即奴婢得主得謁杀之賊燔人庐舍積聚盜賊贓五匹以上棄市即官府積聚盜亦當与同歐人教令者与同罪即令人歐其父母不可以行者同得罪也若得遺物強取強乞之類无还贓法隨吏卑之文法律中諸不敬違儀失式及犯罪為公為私贓入身不入身皆隨事輕重取法以例求其名也夫理者精玄之妙不可以一方行也律者此理之與不可以一体守也或計過以配罪或化畧以循常或隨事以尽情或超舍以從時或推理以防玄或引輕以就下公私廢避之宜除削輕重之變皆所以臨時現爨者用法執詮者出于未制之中采其根牙之微致之于機格之上稱輕重于毫銖考軍類于參伍然後乃可以理直刑正奉天聖典者若操刀執繩刀妄加則傷物繩妄彈則侵直梟首者惡之長斬刑者罪之大棄市者死之下斃罪者刑之威贖罰者誤之誠王者立此五刑所以質君子而通小人故為勅甚之輕皆擬周易有變通之体為欲令提綱而大道清季畧而王法齊其指遠而詳又其言曲而中其事肆而隱通天下之志唯忠也斷天下之疑唯文也切天下之情惟遠也稱天下之務惟大也變死常体唯理也非天下之賢至孰能与于斯夫刑而上者謂之道刑而下者謂之器化而財之胃之格刑杀者是冬震耀之象髡罪者似秋凋落之變贖失者是春陽悔吝之庇也五刑成章輒相依準法律之義為是時侍中盧班中書侍郎張華又表抄新律諸死罪條目懸之亭傳以示兆

庶有詔 惠帝永康元年解結為孫秀所害女適裴氏明日當嫁而禍起裴氏從之

欲認活之女曰家既若此我何活為亦坐死朝廷遂議革旧制女不從坐由結女始也懷帝永嘉初東海王越表除三族之法

元帝為晉王時大理衛展以詔有考子證父或鞭父母問子所在恐傷正教並奏除之明帝大寧三年二月戊辰復三族刑惟不及婦人

宋高祖為宋公時侍中蔡廓建議以為鞠獄不宜子孫下解辞明言祖父之罪虧教求情莫此為大自今家人與日相見无乞鞠之訢便以明伏罪不須責家人

下辞朝議以為永從之永初元年七月詔曰往者軍國務殷事有權制刻科峻重施之一時今王道惟新政和法簡可一除之

二年六月置諸勅吏四品以下又府置所得輒罰者聽統府寺行四十杖

文帝元嘉中衛將軍王弘上疏言王守偷五匹常偷四匹死四匹加大辟議者咸以

為重宜進主守偷十匹常偷五十匹死四十匹降以補兵既得小寬人命亦足以有懲也
從之 孝武大明四年尚書左僕射劉秀之改定制令隸殺長吏科議者謂值赦宜加
彼遠秀之以為律文雖不顯名杀官長之旨若值赦但止從送便與悠杀人曾无
一異民敬官長比之父母行害之身雖遇赦謂宜長付尚方窮其天命家口補兵從之
明帝大始四年詔曰夫愆有小大憲隨寬猛故五刑殊用三典異時而降辟次綱便暨
并撻求之法科羗品滋遠朕务存欽恤每有矜貸尋刳制科罪輕重從之大辟即事原
情未為詳衷自今凡竊執官仗拒戰邏司或攻剽亭寺及害吏民凡此諸條悉依旧制五
人以下相逼奪者可待賜黥刑投畀四方遠仍用代杀方古為優全命長戶施物造物庶
簡惠之化有孚群萌好生之德无漏幽品 南齊武帝永明七年尚書刑部王植選定律
章表奏之曰臣尋晋律文簡詞約旨通大綱事之所須取斷難釋張裴杜預同
注一章而生殺永殊自晋泰始以來唯斟酌參用是則吏挾威福之勢

民懷不對之怨所以温舒獻辭於失政絳侯慷慨而具嘆皇運革祚道冠前王
陛下紹興光開帝業下車之惠每側上仁滿掌之悲有矜聖思爰發德音刑正刑律勅
臣集定張杜二注謹礪愚蒙畫思詳撰削其煩害錄其尤衷取張七百三十一條杜注
七百九十一條或二家兩釋於義乃備者又取一百七條其注相同者取一百三條集為一
書九千五百三十二條為二十卷請外詳校隨其違謬從之先是江左相丞用晋世張杜
律三十卷帝留心法令仍詔獄官詳正旧法是時公卿八座參議考正旧法輕重竟陵王
子良下意多使從輕其中朝議不能斷者制旨平決至九年廷尉孔稚珪上表曰臣聞
匠萬物者以繩墨為政馭大國者以法理為本是以古之圣王臨朝思治
遠防邪萌深杜姦漸莫不資法理以成化明賞刑以樹功者也伏惟陛下
躡曆登皇乘圖踐帝天地更築日月再張五礼裂而復縫六樂頽而爰輯
乃發德音下明詔降恤刑之文申慎罰之典勅臣與公卿八座

共刪著律謹奉圣旨諮審司徒臣子良稟受爰成規矩創立條緒使兼吐臣
宋躬燕平臣王植等抄撰同異定其去取議八座裁正大司馬臣崑其中洪
疑大議衆論相背者圣照玄覽斷自天筆始就成立律文二十卷錄叙一卷凡二十
一卷今以奏聞請付外施用宣下四海詔報從納事不竟施行

東昏侯初即位詔刪省科律

梁高祖天監元年四月詔曰金作贖刑有聞自昔入縲以免施于中代民悅法行莫
尚乎此永言叔世偷薄成風嬰堡入罪厥塗匪一斷蔽之書纏于听覽鉗鈇之刑歲
積于牢犴死者不可復生生者无因自返由此而望滋實庸可致乎朕夕惕思治念崇
政術斟酌前王擇其令典有可以憲章邦國罔不由之庶愧心于四海昭情素于万物
俗偽日久禁網彌繁漢文四百邈為已遠雖請事清心死日用忘而委御廢策事
未獲從可依周漢書旧典有罪入贖外詳為條格以時奏聞

八月詔曰律今不一實難去取杀傷有法昏墨有刑此蓋常科易
為條例至如三男一妻懸心首造獄事非慮内法出常鈞前王之律後
王之令因循創附良各有以若遊辭費句无取于實錄者宜悉除之求文
指歸可適者變載一家為本用衆家以附丙丁俱有則去丁以存丙若
丙丁二事注釋不同二家兼載咸使百司議其可安以為標例宜云
苾苾如干人同議以此為長則定以為梁律留尚書比部悉使備
文若班下州郡上撮機要可无二門侮法之弊欲議定律令得齊時旧
即濟阴蔡法度家傳律季云齊孝武時刪定郎王植之集注張杜旧律
合為一書凡一千五百三十條事未施行其文殆滅法度能言之于
是以為兼尚書刪定即便損益植之旧本以為梁律法度又請
曰魏晉撰律止闕數人今若皆謔列位恐緩而无决于是以尚書

令王亮侍中王莹尚書僕射沈約吏部尚書范雲長兼侍中柳惲
給事黃門侍郎傳昭通直散騎常侍常孔藹御史中丞臬藹大常丞
許懋等參議断定為二十篇一曰刑名二曰法例三曰盜劫四
曰賊叛五曰詐偽六曰受賂七曰告劫八曰討捕九曰繫訊十四斷
獄十一曰雜十二曰戶十三曰兵十四曰毀亡十五曰衛宮十六曰水
六十七曰倉庫十八曰廐十九曰關市二十曰違制其制刑為十五等
之差棄市以上為死罪梟首其次棄市刑二歲以上為耐罪言各隨伎
能而任使也其髡鉗五歲刑笞二百收贖絹男子六十匹又有四歲刑
男子四十八匹又有三歲刑男子三十六匹又有二歲刑男子二十
四匹罰金一兩已上為贖罪贖死者金二斤男子十六匹贖髡鉗五歲刑
笞二百者金一斤

十二兩男子十四匹贖四歲刑者金一斤八兩男子十二匹贖三歲刑者
金一斤四兩男子十匹贖二歲刑者金一斤男子八匹罰金一兩者男

子六匹罰金八兩者男子四匹罰金四兩者男子二匹罰金二兩者男子一匹罰金一
兩者男子一匹罰金一兩者各半之伍刑不簡正於伍罰伍罰不服正乎五過以贖命故為此十
五等之差又制九等之差有一歲刑半歲刑百日刑鞭杖二百鞭杖一百鞭杖五十鞭杖
二十鞭杖十鞭杖十又有八等之奏差一曰免冠加杖督一百二曰免官三曰奪勞有
日共督一百四曰杖督二百五曰杖督三百六曰杖督三百七曰杖督三百八曰杖督三百九
若上就次當減者下就次凡繫獄者不即答款應加罰測不得以人士為隔若人士
犯罰違捍不款宜測罰者先參議牒啟然科本斷食三日听家人進粥并女及老小一百
十刻乃與粥滿十刻而止囚有械杻三杻及鉗並立輕重大小之差而為定制其鞭有制鞭法
鞭常鞭凡三等之差制鞭生革廉成法鞭生革去廉常鞭熟鞣不去廉皆作鶴頭幼
長一尺子稍長二尺七寸廣三寸靶長二尺五寸杖背用生荆長六尺有大板大頭圍八分
半法杖圍一寸三分小頭五分小杖圍一寸二分小頭極抄諸督罰大罪無過五十三小

者二十宮笞一百以上者笞半余半後次中分鞭杖小於律令當得鞭杖罰七十皆半之其應得法鞭杖者以熟鞣鞭小杖過五十者稍行之將吏已上及女人有罰者以罰金代之其以戕負應罰及律令指名制罰者不用此令其問事諸罰皆用熟鞣鞭小杖其制鞭杖法杖鞭法杖自非特詔皆不得用詔鞭杖在京師者皆於雲龍門行老子懷孕者勿得決罰其謀反降大逆已上皆斬父子同產力無少長皆棄市去奴婢其應從坐棄市者妻子女妾同補奏奚官為奴婢貨物財沒官刮身皆斬丁子補兵遇赦降死者惡面為刮字既髡鉗治鑠士終身其下又謫運謫配材官治士尚方鑠士皆以輕重差其年數其重者或終身亡人有禁錮之科亦以輕重差其犯清議則終身不任耐罪囚今已上十歲已下及孕者育者侏儒當械繫者及郡國八了相都尉關中侯已上之又母妻子及所坐非罪除名之罪二千石已上非檻徵者並頌繫之丹陽尹月一詣建康縣令三官叅共錄獄密斷枉直

其尚書當錄人之月者與尚書叅共錄之大凡定罪二百五十九條二年四月癸卯奏法度表上新律又上令三十卷科三十卷帝乃以法度授廷尉卿詔班新律於天下三年十一月甲子詔曰設教因時淳薄異政刑以世革輕重殊風苛商俗未移民散久矣嬰網陷辟日夜相等尋若悉加正法則赭不塞路並申引宥則難用為國故使有罪入贖以全元元之命今避逖知禁囹圜稍虛率昔以往庶幾刑厝金作權典宜在蠲息可除贖人之科

十一年正月壬辰詔曰自令捕擿之家及罪應贖作若年有老少者可亭將送

十四年正月詔曰世重世輕隨時約法前以量刑用代重

猶念

改其功已壅并可省除

大同十一年十月詔曰堯舜以來便開贖刑中年依古許罪身入
質下吏因此不無姦猾所以一日復勅禁斷川流難擁人心惟危
既垂內善慈悲之意又傷外教好生之德書曰與殺不辜寧失不
縱可復開罪身皆听入贖

十六年七月甲子詔曰禽獸知母不知父無賴子弟過於禽
獸至於父母並皆不化多觸王憲致及老人耆年禁執大可傷愍
自今有犯罪者父母祖父母勿坐惟大逆不預令恩

新刊監本冊府元龜卷之六百十

新刊監

石今有



